

REFERAT Kommunalbestyrelsi d. 15-05-2024

Mødedato Onsdag d. 15. maj 2024 kl. 12:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Kommunimut pilersaarummut tapiliussassatut siunnersuut 1A1-6 Kujallerpaat pillugu tamanut tusa Nuup Kangerluani qassutinik annaasanik taarsiiffiginninnissamik siunnersuummut ilisimasitsissut..	7
Aningaasaqarnermut Inuussutissarsiornermullu Ataatsimiititap suleriaasissaa.....	10
Suliffimmi ingerlalluarnissaq aamma suliffimmi avatangiisit pillugit ilisimatitsissut.....	13
Missingersuutitut qinnuteqaatit 2024 - Paamiut Asasara immikkoortoq 2.....	16
Tasiilami Sustainable Now-imit suliat “Tasiilami suleqatigiippugut” /Inoorusunermik siuarsaaneq	19
Kulusumi Alivarpimmi 2023-mi nakkutilliineq pillugu ilisimatitsissut.....	25
Atuarfik Hans Lyngemut (AHL) nakkutilliiartornermit nalunaarusiaq 2023.....	28
Nuussuup Atuarfianut nakkutilliiartornermit nalunaarusiaq 2023.....	31
Tasiilami Alivarpillu nakkutilliinermi nalunaarusiaq 2023.....	34
Tasiilami atuartut angerlarsimaffiat pillugu nakkutilliinermi nalunaarusiaq 2023.....	37
Pineqaatissinneqarsimasunut marluusunut Danmarkimi inissinneqarsimanerannut akiliisussaataa	41
Kommunimut pilersaarummut tapiliussassatut 3E5-6 Nuuk Airport inaarutaasumik akuersissutigine	45
Kommunimut pilersaarummut tapiliussassatut 4A3-1 Ningitsivik Kujalleq akuersissutigineqarnera.	49
Piginnaatitsinermik atsiorsinnaatitaanernillu agguataarineq.....	53
Pisiniarnermut Neqerooruteqartitsinermullu Politikki nutaaq.....	56
2024-miit 2028-mut inoqarfiit mikinerit pillugit ineriartortitsinissamut periusissioinnissamut siunner	59
Inuusuttut Kommunalbestyrelsiata Kommunalbestyrelsimut inassuteqaatai 2023-2024.....	62
Katersugaasivik Nuutoqqamut ileqqoreqqusat.....	67
Inuit innarluutillit pillugit politikki 2024-2028.....	71
Angallat annanniut pillugu siunnersuut.....	74
Oqaluuserisassanut tapiliussaqa: Puisit amiinik Tasiilami garvereqalernissaq pillugu siunnersuut.....	77
Lukket.....	79
Lukket.....	82
Lukket.....	83
Imaqarniliap akuerineqarnera.....	84
	85

Punkt .: Saqqaa

Ilaasortat

Avaaraq Olsen (IA)
Charlotte Ludvigsen (IA)
Juaaka Lyberth (IA)
Uju Petersen (IA)
Inge Olsvig Brandt (IA)
Naya-Sophia Lyberth (IA)
Lone Rosengreen Pedersen (IA)
Harald Bianco (IA)
Justus Hansen (D)
Poul Petersen (D)
Dorthe-Marie Mogensen-Fontain (S)
Peter Davidsen (S)
Mala Høy Kûko (S)
Laura Táunâjik Uitsatikitseq (S)
Dines Mikaelson (S)
Doris J. Jensen (S)
Ken Madsen (N)
Emanuel Nûko (N)
Storm Ludvigsen

Beslutning

Ataatsimeeqataasut:

Avaaraq Olsen (IA)
Charlotte Ludvigsen (IA)
Juaaka Lyberth (IA)
Uju Petersen (IA)
Inge Olsvig Brandt (IA)
Naya-Sophia Lyberth (IA)
Lone Rosengreen Pedersen (IA)
Harald Bianco (IA)
Poul Petersen (D)
Dorthe-Marie Mogensen-Fontain (S)
Peter Davidsen (S)
Mala Høy Kûko (S)
Laura Táunâjik Uitsatikitseq (S)
Dines Mikaelson (S)
Doris J. Jensen (S)
Storm Ludvigsen

Ataatsimiinneq tusassip attaveqaataatigut ingerlanneqassaaq:

Justus Hansen (D)
Emanuel Nûko (N)

Ataatsimeeqataasinnaanatik nalunaartut:

Ken Madsen (N)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Borgmester Avaaraq Olsen (IA) nalunaarutai:

Sapaatip akunnerata siuliani borgmesteri Danmarkimiippoq statsministerilu Mette Frederiksen aamma kalaallit folketingimi ilaasortat ataatsimeeqatigalugit. Kalaallinut ilinniartut ilinniareernerup kingorna uteqqittarnissaannut atugassarititaasut qanoq pitsanngorsarneqarsinnaanissaat pillugu workshoppertitsinermi borgmesteri malinnaasutut peqataavoq. Danmarkimut nuunnginnermi ilinniartut suut eqqumaffigissavaat - nuunnginneranni paasisutissat pitsaannerusut. Taakkua saniatigut Danmarkimi ilinniariarnerup nalaani Kalaallit Nunaannut attaveqarneq nukittorsarneqassaaq- assersuutigalugu Kalaallit Nunaanni aasaanerani suliffeqarnikkut. Taakkununga najugaqatigiiffilorsinnaanissamut periarfissaqarnersoq misissorparput.

Kommunalbestyrelsimi sulineq Kommunalbestyrelsimi ataatsimiinnerinnaanngillat, immikkut sammisaqarnerni sulianik annertuunik ingerlatsisoqarpoq.

Kunngi dronningilu ulluni 4. - 5. juuli kommunimut tikeraassapput. Borgmesteri annertunerusunik paasisutissanik pissarsiguni erseqqinnerusumik nalunaaruteqarumaarpoq.

Juaaka Lyberth-ip (IA), Inoqarfinnut Avatangiisinullu Ataatsimiititami siulittaasup, nalunaarutai:

Sapaatip akunnerata tulliani Ataatsimiititit marluk ittoqortoormiinum angalanissat nalunaarutigaa. Ataatsimiitit pineqartut tassaapput Inoqarfinnut Avatangiisinullu Ataatsimiititaaq aamma Aningaasaqarnermut Inuussutissarsiornermullu Ataatsimiititaaq.

Inge Olsvig Brandt-ip (IA), Suliffeqarnermut Isumaginninnermullu Ataatsimiititami siulittaasup nalunaarutai:

Suliffeqarnermut tunngasut

Piorsaaviit ingerlannissaannut tapiissutinik atorunnaarsitsineq

2025-miit Naalakkersuisunit kommunini Piorsaaviit ingerlanneqarnerannut tapiissutit unitsinneqassapput. Taarsiullugu aningaasat nioqqutissiornermut assingusunut tunngasunik ingerlataqarnermut atorneqassapput Naalakkersuisut suliffissaqartitsinermut periusissiaa 2022 - 2024 naapertorlugu. Ingerlanneqarneranut tapiissutit atorunnaarsinneqarneri Kommuneqarfik Sermersuumi suliffissarsiornermut tunngasuni suliniutinut sunniuteqassaaq. Taamaattumik Kommunalbestyrelsip ataatsimiinnissaata tulliani Majoriami neqeroorummik allannguinissaq pillugu aalajangiiffigisassatut siunnersuummik saqqummiivigineqassapput.

Modulikkaartunik atuartitsinermi misiligutitut suliniut

Nuummi Majoriaq FA-mik (Meeqqat atuarfiannit inaarutaasumik misilitsinneq) ingerlatsisarnermut taarsiullugu ukiumi atuarfiusumi 2023 - 2024 misiligutaasumik suliniummik ingerlataqarpoq modulikkaartumik atuartitsinermik misiligutaasumik suliniummik ingerlatsivoq. Ukiup atuarfiusup tulliani 2024 - 2025-mi misiligutaasumik suliniut annertusineqassaaq, kommunip illoqarfiini tamani modulikkaartumik atuartitsineq neqeroorutaalissamat. Namminersorlutik Oqartussat suleqatiginerisigut suliniutaavoq.

Utoqqarnut suliassaqarfik

Ippiarsummi ukiunik 25-nngortorsiorneq

Ataasinngorneq apriliip ulluisa 29-ni utoqqaat illuat Ippiarsuk ukiunik 25-nngortorsiorpoq. Nalliuttorsiorneq oqalugiarnertalimmik, erinarsoqatigiinnertalimmik, mamartunillu nerisassartalimmik ingerlanneqarpoq. Najugaqartut sulisullu tamaasa pilluaquavut.

Poul Petersenip (D), Meeqqanut, Ilaqutariinnut Atuarfeqarnermullu Ataatsimiititami siulittaasup nalunaarutai:

Meeqqanut Ilaqutariinnut Atuarfeqarnermullu Ataatsimiititap juunip ingerlanerani Danmarkimut paasisassarsiorlutik angalanissaa nalunaarutigaa.

Uju Petersenip (IA), Illoqarfimmik Ineriartortitsinermut Sanaartornermullu Ataatsimiititami siulittaasup tullia nalunaarutai:

Illoqarfimmik Ineriartortitsinermut Sanaartornermullu Ataatsimiititaq apriliimi Tasiilami angalanikuunera nalunaarutigaa taamatuttaaq Nuummumut uterterni Kulusummi Nunaqarfinni Aqutsisut ataatsimeeqatigineqasimanerat nalunaarutigalugu.

Punkt 1: Kommunimut pilersaarummut tapiliussassatut siunnersuut 1A1-6 Kujallerpaat pillugu tamanut tusarniaaneq

Beslutning

Ilisimatitsissut tusaatissatut tiguneqarpoq.

Bilag

Kommunimut pilersaarummut tapiliussatut siunnersuut 1A1-6 Kujallerpaat



KOMMUNEPLANTILLÆG



1

FORSLAG TIL
HØRING
1. IISA
2. AIA

2

VEDTAGELSE
1. IISA
2. AIA
3. KB

Kommunimut pilersaarummut tapiliussassatut siunnersuut 1A1-6 Kujallerpaat pillugu tamanut tusarniaaneq

Ilisimatitsissut

SagsID.: EMN-2022-09340

Sanarfinermut Avatangiisinullu Ingerlatsivik - pisortaq Søren Pedersen / SSKP

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussassatut siunnersuut 1A1-6 Kujallerpaat, Nuuk, matumuuna saqqummiunneqarpoq.

Immikkoortup ilaa Nuup kujataatungaani Paassaasiviup (Entreprenerdalen) Imapikkoortatinullu umiarsualiviup akornanni inissisimavoq.

Immikkoortup ilaani 1A1-mi killiliussaq allanngortissaaq, tamannalu immikkoortut ilaanut 1A19-imut aamma 1D9-mut sunniuteqassapput millisinneqassammata. Taamaalilluni immikkoortup ilaa 7,5 hektarimik annertussuseqalissaaq.

Kommunimut pilersaarummut tapiliussami sumiiffiup inissiaqarfittut atorineqarnissaa attanneqassaaq.

Immikkuualuttoq A aamma immikkuualuttoq B kisimik ilaatinneqalerlutik immikkuualuttut allanngortinneqarput. Immikkuualuttoq A inissiaqarfinnut assigiinngitsunut atugassiissutigineqassaaq aamma immikkuualuttoq B inissianut quleriaannut atugassiissutigineqassaaq. Immikkuualuttoq B-mi sanaartorfissat pingasut pioreersut katinnerisigut immikkuualuttoq ataaseq annerusoq atugassiissutigineqassaaq. Sanaartorfissap atorluarneqarnissaanut Svend Jungep Aqquserna aamma Sipisaq Kujalleq avammut nuunneqassaaq, tamannalu kommunimut pilersaarummut tapiliussami periarfissiissutigineqarpoq. Immikkuualuttoq A-mi B-milu sanaartorfissat pioreersut aalajangersakkallu tassunga tunngasut nutarterneqassapput.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Matumani Kommunimut pilersaarummut tapiliussassatut siunnersuutip 1A1-6 Kujallerpaat akuersissutigineqarneratigut kommunimut pilersaarummut tapiliussaq 1A1-5 Kujallerpaat atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersaaruserneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Den digitale kommuneplan www.kp.sermersooq.gl

Siusinnerusukkut aalajangiinerit

Illoqarfimmik Ineriartortitsinermut Sanaartornermullu Ataatsimiititaq, 09.04.24:

Ilisimatitsissut tusaatissatut tiguneqarpoq.

Aningaasaqarnermut Inuusutissarsiornermullu Ataatsimiititaq, 02.05.24:

Illoqarfimmik Ineriartortitsinermut Sanaartornermullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussa 1A1-6 Kujallerpaat sapaatip-akunnerini arfineq-pingasuni tamanut tusarniaassutigineqarnissaa akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

Ilanngussat

1. Kommunimut pilersaarummut tapiliussatut siunnersuut 1A1-6 Kujallerpaat

Punkt 2: Nuup Kangerluani qassutinik annaasanik taarsiiffiginnissamik siunnersuummut ilisimasitsissut

Beslutning

Ilisimatitsissut tusaatissatut tiguneqarpoq.

Nuup Kangerluani qassutiniq annaasanik taarsiiffiginninnissamik siunnersuummut ilisimasitsissut

Ilisimatitsissut

SagsID.: EMN-2023-01415

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Ilisimatitsissut tusaatissatut tiguneqassasoq

Suliassamik saqqummiussineq

Kommunalbestyrelsiq novembarip 23-anni 2021-mi ataatsimiinnermini Nuup Kangerluani qassutiniq annaasanik taarsiiffiginninnissaq periarfissaanersoq misissorneqassasoq aalajangiuppaa. Tamatumunnga tunngavilersuutaavoq arferit Nuup Kangerluani piniqqusaajunnaarnerat piniutinik annaasaqarnermut pissutaasinnaasoq (assersuut: Bundgarn). Ingerlatsivimmit pissutsit piviusut aammalu siunnersuutip inatsisinut tunngasortai aallarniutaasut misissorneqarsimapput suliarlu politikikkut suliarisassanngorlugu, taamatut isikkoqartillugu saqqummiullugu.

Kommuneqarfik Sermersuumi bundgarninik aalisarneq pillugu ileqqoreqqusaaq 15. aprili 2014-imeersoq naapertorlugu bundgarninik aalisartarfiit Kommuneqarfik Sermersuumut nalunaarutigineqartussaapput. Marsip 20-at 2023 aallarnerfigalugu, Kommuneqarfik Sermersooq aalisartunit arfinilinnit qinnuteqaatinik, Nuup Kangerluani sumiiffinni 27-ni bundgarnersorfissanik tigusaqarpoq, kangerlunnilu allani bundgarnersorfissat 42 ilanngullugit. Ilisimaneqanngilaq aalisartut bundgarnersorlutik qassinik ataatsikkut bundgarnersortarnersut, tamakkua aalisarnerup nalaani nuutinneqartarmata. Tamatuma saniatigut Kommuneqarfik Sermersuumit ilisimaneqarpoq amerlasuut bundgarnersortarfitik nalunaarutigineq ajoraat, tamanna maannakkut kommunimit GLFK suleqatigalugu paasiniarneqarpoq, aalisarnermi piniarnermilu atorlut qimaannakkat nalunaarsorlugit suliaqarnermut atatillugu. Taamaattumik ilisimaneqanngilaq Nuup Kangerluani bundgarnit qassutillu allat qasserpiaanersut. Bundgarnersortarfinni 27-ni piniutit, tamarmik atornerarnerat naatsorsuutigigaanni, naleqarput 810.000 – 1.890.000 koruunit akornanni.

Ingerlatsiviup taarsiissuteqarnikkut aaqqiissuteqarnissaq kommunimut inatsisitigut periarfissaanersoq misissoreerpaa, Nunamut Namminermut Naalakkersuisoqarfimmut oqaaseqaatinik pissarsiniarnermigut. Naalakkersuisoqarfiup nalilerpaa, kommune, kommunit piginnaatitaaffiata iluani bundgarninut annaasaqaatinut taarsiissuteqarsinnaanngitsoq.

Ingerlatsiviup nalilerpaa, suliaq maannakkutut isikkoqartillugu Kommunalbestyrelse ingerlatitseqqissinnaanngitsoq, taarsiissuteqarnissamik aaqqiissuussineq kommunit piginnaatitaaffiinut taakkulu inatsisitigut tunngaviinut ataqatigiissinneqarsinnaanngimmata. *"Kommunimi qinikkanut ilitsersuut"* Kapitali 7,5 naapertorlugu, aalajangersarneqarpoq: *"Ilaasortat pisussaaffigaat inatsisit malinnagit siunnersuutitut aalajangiinernut akerliunissaq"*.

Sillimmasiisarfiit isumasioereerlugit erseqqissivoq, qassutiniq annaasanik taarsiissuteqarneq ajortut, qassutit immami atorneqalereersillugit. Ingerlatsiviup aamma misissorpaa, taarsiissuteqarnissamut allatut immikkut ittumik inatsisitigut periarfissaqarnerasoq, maannakuugallartorlu tamanna pisinnaanngitsoq.

Avatangiisinut inatsit naapertorlugu qassutinik annaasaqartoqartillugu Nunalerinermut, imminut pilersornermut, Nukissiutinut Avatangiisinullu Naalackersuisoqarfik saliinermi akisussaasuvoq. Naalackersuisoqarfik saliinissamik ingerlatsisinnaavoq aammalu suliassaqarfimmi iliuusissanik aallartitsilluni. Qassutinik annaasanik taarsiissuteqartarneq pilersinneqassappat, taamaattumik tamanna Naalackersuisut suliassarissavaat.

Maannakkuugallartoq taarsiiffigitinnissamut periarfissamik peqanngikkaluartoq, Ingerlatsiviup Aalisarnermut Piniarnermullu Naalackersuisoqarfik isumasioreerlugu erseqqissaaffigineqarpoq, "aallarteqqinnissamut tapiissutinik" taaneqartartunik qinnuteqaateqartoqarsinnaasoq. Inuussutissarsiuugalugu aalisartut, inuussutissarsiuugalugu piniartut aamma inuussutissarsiuugalugu nunalerinermik ingerlataqartut aallarteqqinnissamut tapiiffigineqartarnerat pillugu Inatsisartut inatsisaat nr. 3, 21. maj 2004-meersoq naapertorlugu tapiissuteqartarneq. Aallarteqqinnissamut tapiissutit ilaatigut inuussutissarsiummut siuliani taaneqartumut attuumassuteqarpoq, inuussutissarsiuutinut tunngasunik pigisanik annaasaqarnermik tunngaveqartumik aammalu inuussutissarsiuutinut tunngasunik tammaasaqarnermi. Aallarteqqinnissamut tapiissutit ikinnerpaanik 2.000 kr-itut amerlanerpaatullu 25.000 kr.-itut ataasiaannarluni tunniunneqartarput, pissutsini immikkut ittuni taaneqartunit aningaasanik amerlanerusunik tunniussisoqarsinnaavoq.

Ataatsimut isigalugu ingerlatsiviup nalilerpaa, qassutinik annaasanik taarsiissuteqartoqarnissaanut periarfissaqanngitsaq. Nunamut Namminermut Naalackersuisoqarfiup taarsiissuteqarnissamik aaqqissuussisoqarnissaa itigartitsissutigaa kommunit piginnaatitaaffii pillugit malittarisassat iluanni aammalu immikkut ittumik inatsisitigut tunngavissaqanngitsumik, taarsiissuteqarnissamik aaqqissuussinermik pilersitsisoqarsinnaanngitsaq. Taamaattumik ingerlatsiviup periarfissaq qulaani taaneqartoq innersuussutigaa qassutit annaasat pillugit aallarteqqinnissamut tapiiffigineqarnissamut tunngasoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunalbestyrelsip suleriaasissaa
- Aallarteqqinnissamut tapiissutit pillugit Inatsisartut inatsisaat nr. 3, 21 maj 2004-meersoq
- Kommuneqarfik Sermersuumi bundgarnersorneq pillugu malittarisassat

Siusinnerusukkat aalajangiinerit

Inoqarfinnut Avatangiisinullu Ataatsimiititaq, 10.04.24

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 02.05.24:

Ilisimatitsissut tusaatissatut tiguneqarpoq.

Ilanngussaq

Soqanngilaq.

Punkt 3: Aningaasaqarnermut Inuussutissarsiornermullu Ataatsimiititap suleriaasissaa

Beslutning

Ilisimatitsissut tusaatissatut tiguneqarpoq.

Bilag

Aningaasaqarnermut Inuussutissarsiornermullu Ataatsimiititap suleriaasissaa

Aningaasaqarnermut Inuussutissarsiornermullu Ataatsimiititap suleriaasissaa

Ilisimatitsissut

Suliap ilisarnaataa: EMN-2024-01081

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq § 28 imm 2. naapertorlugu ataatsimiititap suleriaasissani nammineq aalajangersassavaa.

Aningaasaqarnermut Inuussutissarsiornermullu Ataatsimiititap suleriaasissaa naapertorlugu makku aalajangersarneqarput:

- Ataatsimiititap sulinera
- Ataatsimiititap ataatsimiittarnissai
- Oqaluuserisassat suliallu saqqummiunneqarneri
- Aalajangiisinnaassuseq, ataatsimiinnermik aqutsineq suliallu saqqummiunneqartarnerat
- Aalajangernerit pillugit imaqarniliaq
- Nipangiussisussaataaneq
- Ataatsimiititap aalajangernerinik suliaqarneq piginnaatitaaffinnillu agguassineq
- Suleriaasissami allannguutit
- Atuutilersitsineq

Pisortaqaatigiit Allatseqarfiata ataatsimiititami suleriaasissatut siunnersuut suliaraa.

Suleriaasissami allannguutissatut siunnersuutit pingaarnertut tassaanerupput:

- Immikkut ittumik ataatsimiittarnissanut piffissaliussanik ersarissaaneq
- Ataatsimeeqataasinnaanginnermut nalunaarnissamut aamma sinniisussamik aggersaanissamut periusissiamik erseqqissaaneq
- Aalajangiinnernut imaqarniliat elektroniskimik atsiorneqartarneri
- Ikinerussuteqartutut oqaaseqaateqarsinnaatitaanerumut tunngatillugu periusissiamik erseqqissaaneq
- Sulianik oqaluuserisassanngortitsineq

Aningaasaqarnermut Inuussutissarsiornermullu Ataatsimiititap suleriaasissani akuersissutigippagu, 2024-mi maajip ulluisa aappaanni atuutilissaaq. Suleriaasissaq akuersissutigineqareerpat atsiorneqareerpallu Naalakkersuisunut nassiunneqassaaq, tak. aqutsinerumut inatsimmi § 1, imm. 4.

Ingerlatsivimmit aningaasatigut sulisoqarnikkullu naliliineq

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq 02.05.24:

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- Suleriaasissatut nutaatut siunnersuut akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

Ilangussat

1. Aningaasaqarnermut Inuussutissarsiornermullu Ataatsimiititap suleriaasissaa

Punkt 4: Suliffimmi ingerlalluarnissaq aamma suliffimmi avatangiisit pillugit ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Isumannaallisaaneq pillugu suleqatigiissitat takussutissartaat



Suliffimmi ingerlalluarnissaq aamma suliffimmi avatangiisit pillugit ilisimatitsissut

Ilisimatitsissut

SagsID.: EMN-2021-10173

Suliffeqarfimmum Kiffartuussivik – vicekommunaldirektøri Marie Fleischer / MAFL

Inassuteqaat

Aningaasaqarnermut Inuussutissarsionermullu Ataatsimiitap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Isumannaatsumik peqqissumillu suliffimmi atugassaqaartitaanissamut tunngavissaavoq, suliffimmi atugassarititaasut aaqqissuunneqarsimanissaat. Ukiuni kingullerni marlussunni kommunimi immikkoortuni tamani suliffimmi avatangiisit pillugit gruppiniq ataatsimiititalianillu pilersitsisoqaqqinnikuuvoq. Taakkua saniatigut, pingaarnertut suleqatigiinnissamut isumannaallisaaanissamullu ataatsimiititamik katiterisoqarpoq – HASU-mik taaguutilik (Suliffimmi isumannaallisaaanermut pissutsinut aamma suleqatigiinnermut ataatsimiititaliaq) aamma ataatsimiinnerit siullit marluk ingerlanneqareerput.

HASU-mi aqutsisut sulisullu suliffimmi avatangiisinut tunngasunik kattuffinniillu toqqarneqartut imaluunniit sinniisaasut issiapput.

Ataatsimiititaq aaqqissuussaansinnut tamarmiisumut sinniisaasoq. Nuannersunik kisianni avitseqateqarnermi aamma ajornakusoortunik aalajangiinarnermi pitsaanerpaanik aaqqiissutinik nassaarniarnermi nutaanik isummanik pisariaqartitsisoqartillugu sulisut tusarniarneqartarput.

2024-mi kommunimi suliffimmi ingerlalluarnissaq suliffimmilu avatangiisit qitiutinneqarnerat ingerlaannassaaq. Sulisut tamarmik ingerlalluarnertat suliffimmilu avatangiisaat MTU-mik (Suliffimmi atukkat pillugit misissuineq) aamma APV-mik (Suliffimmik naliliineq). Pingaarnertut ataatsimiititaq HASU aalajangiivoq, Suliffimmi atukkat pillugit misissuineq suliffimmillu naliliineq ataatsimut ingerlanneqassasut, immikkoortinngikkaluarlugit, atukkanut suliffimmilu avatangiisinut tunngasut qulequttat amerlasuut attuumassuteqareemata.

Misissuineq aprilip qaammataani ingerlanneqassaaq inernerilu maajip naalernerani saqqummiunneqassallutik. Inernerit tamarmik immikkoortortani aqutsisunit sulisunut saqqummiunneqassapput. Tulliatut aqutsisut sulisullu ataatsimut atukkat suliffimmilu avatangiisit pitsanngorsarniarlugit suliniutit pillugit suleqatigiissapput, immikkoortuni inerisagassaasuni.

Ingerlatsivimmit aningaasatigut sulisoqarnikkullu naliliinerit

Misissuineq missingersuutit iluanni ingerlanneqassaaq.

Suliffeqarfimmum Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- o Kalaallit Nunaanni sulinermi avatangiisit pillugit inatsimmik nalunaarut. Beskæftigelsesministeriap inatsisaanut nalunaarut nr. 1048, 26. Oktober 2005



Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 02.05.24:
Ilisimatitsissut tusaatissatut tiguneqarpoq.

Ilanngussat

1. Isumannaallisaaneq pillugu suleqatigiissitat takussutissartaat

Punkt 5: Missingersuutitut qinnuteqaatit 2024 - Paamiut Asasara immikkoortoq 2

Beslutning

Ilisimatitsissut tusaatissatut tiguneqarpoq.

Bilag

Asa 2 pillugu Ukiumut pilersaarut

Paamiuni Peqqinnermut Susasaqartitsinermullu Immikkoortortaqaarfiup aqqissugaanerata allanngortinneqarnera



Missingersuutitut qinnuteqaatit 2024 - Paamiut Asasara immikkoortoq 2

Siunnersuut

Ilisimatitsissut

EMN-2023-04855

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Pisortaqatigiit piumasaqaataat malillugu Paamiuni innuttaasut aamma Peqqinneq, Sammisassaqaartitsineq Kulturilu pillugit immikkoortortaqaarfik suleqatigiinnik, "Asa 2", pilersitsisoqarpoq, matumanilu Paamiuni innuttaasut "Paamiuni inuuneq pitsaasoq" pilersinniarlugu innuttaasunik katersortitsinissaq siunertaavoq.

Paamiut Asasara immikkoortoq 2-mi (Asa2) anguniagaavoq, Paamiuni pinnguarnep, misigisassarsiornerup, maluginiutit, nuannisaarneq, eqqarsarneq, misigisaqarneq peqataanerlu innuttaasunit tamanit attatiinnarneqassasoq aammalu piginnaasanik ineriartortitsiuanissaq piumassuseqarnissarlu.

Naleqartitat, tunngavigineqarusuttut tassaapput:

- Imminut pilersorsinnaaneq
- Ammasuuneq
- Alapernaanneq
- Inoroorsaarneq
- Piginnittuuneq
- Inoqatinik, atortunik pinngortitamillu ataqqinninneq
- Persuttaaneq akuerineqarsinnaanngilaq, qanorluunniit
- Ineriartorneq, nalequssarnermit pingaartinnerullugu

Ilisimaneqaatigerusupparput:

- Meeqqanut Ilaqutariinnullu illoqarfik
- Inuunermik nuannarisaqarneq isumagissaarnerlu
- Ineriartorneq nutaaliornerlu
- Sunniuteqarluarneq, aalajaatsuuneq

"Asa 2" illoqarfimmi suliniutinut assersuutitsialaassaaq, illoqarfimmi suliniuteqarnikkut, aqqissuussinikkut sammisassaqaartitsinikkullu pitsaaliuineri susassaqaartitsinermilu neqeroorutinut siuarsaanissamut ataatsimut akisussaaffimmik tiguisinnaanermik, tamannalu Paamiuni Peqqinnermut, Susassaqaartitsinermut Kultureqarnermullu Immikkoortortaqaarfiup ataaniissaaq, tassa katersortarfimmi "Taqqissuut" aqutsisussap ataani. Paamiuni Peqqinnermut, Susassaqaartitsinermut Kultureqarnermullu Immikkoortortaqaarfiup aqqissugaaneranut allannguutissatit siunnersuut innersuussutigalugu, ilanngussatut ilanngunneqartoq.

Maanna susasaqartitsinermi aqutsisutut atorfik katersortarfimmi aqutsisutut nuunneqassaaq. Katersortarfimmi aqutsisoq pingasunik pingaarnertut akisussaaffeqassaaq, tassa katersortarfimmik ingerlatsineq, multiværkstedimi ingerlatsineq kiisalu Paamiut Asasara immikkoortoq 2-mi akisussaasutut/ataqatigiissarisutut atuuffik.

Maannakkut nipilersornermik ilinniarfik Taqqissuumiittoq, Inuusuttunut Kulturikkut Illuannut nuunneqassaaq, tassunga ilanngullugu nipilersornermik ilinniarfimmi ullup affaani atorfik, taannalu Inuusuttunut Kulturikkut Illuanni nipilersornermik ilinniartitsisutut/sulisutut atorfimmi atorfinitsinneqassaaq.

Katersortarfimmi aqutsisumik atorfinitsitsinermut aningaasartuutit missingersuutaareersuniipput, taamaattumillu ilassutit aningaasaliissuteqarfingeqarnissaa pisariaqassanngilaq.

Illoqarfimmi Peqqinnermut, Susasaqartitsinermut Kultureqarnermullu Immikkoortortaqaqarfiup saniatigut namminneq piumassutsiminnik "ilungersuussilluartartut" arfineq marluk suleqatigiit pilersinneqarput, taakkulu 2024-mut missingersuusiorfiusumut suliniummut aalajangersimasumut immikkut "akisussaasutut atuuffik"-mik akisussaatinneqarput. Asa 2 aningaasatigut qulakkeerneqariapat suliniummik aallartitsisussatut akisussaaffilerneqarput.

Aaqqiissutissatut siunnersuut – suliatigut naliliineq

Siunertaq :	Tunngavilersuutit:	Aningaasaliissutissaq:
Árshjul	<p>Ataatsimut unnussiuarneq, innuttaasut Arsummeersut ataatsimooqatigiinnissamik "suliaqaqquneqarlutik".</p> <p>Angalanermut najugaqarnermullu aningaasartuutit</p> <p>Aamma Qeqertarsuatsiaanit</p> <p>Katersortarfimmi meeqqanut diskotekertitsineq, tasanilu peqatigiiffiit assigiinngitsut aaqqiissuisuusinnaapput, unnullu assigiinngitsunik unammisitsinernik, soorlu kostedansinik il.il. "immersorlugu".</p> <p>(Sungiffimmut immikkoortortaqaq missingersuutini siunertamut 48.000.- kr.-nik immikkoortitsiffingeqareerpoq, taamaattumik aningaasat sinneruttut 24.000.- kr.-it immikkoortinneqassapput, aaqqiissuussineq katillugit</p>	<p>78.000 kr.</p> <p>78.000 kr.</p> <p>24.000 kr.</p>

	<p>72.000.- kr.-nik akeqartussaammat.)</p> <p>Unnummut ataatsimut peqatigiiffik ataaseq 3.000 koruuninik tapiissutitut tunineqarsinnaavoq.</p> <p>Ataatsimut unnussiuarnerit: 3.000 kr x 22 =</p> <p>Paamiuni Nipilersornermik Kulturisornermillu festivali</p> <p>Ukiumut tusarnaartitsineq kingulleq</p>	<p>66.000 kr.</p> <p>300.000 kr.</p> <p>90.000 kr.</p> <p>Katillugit 636.000</p>
<p>Inuit ataatsimoornissaannut akisussaaqataasoq Ataatsimooqatigiinnerit</p>	<p>Qaammammut ataatsimoortitsinerit, nerinertalimmik aliikkusersuinertalimmillu</p> <p>Januaarip qaammataani marloriarluni ataatsimoorluni nereqatigiinneq</p> <p>Taakku ataatsimut nereqatigiittarnerit PA immikkoortoq 2-mi "tunngaviussapput". Tassani suliniutit assigiinngitsut katersorneqarlutillu nalunaarutigineqartassapput.</p> <p>"Pinnguaatinik", soorlu nallukattat, spilit il.il. pisiarineqassapput.</p>	<p>390.000.-</p>
<p>Silami matunik qalipaaneq</p>	<p>Tasiilamitut, A/S INI inissianillu piginnittut allat suleqatigalugit, illunik qalipanneqarsinnaasunik toqqartuisoqassaaq. Qalipakkat taakku tamatta illoqarfimmi</p>	<p>50.000.-</p>

	<p>pingaaruteqarnerput pillugu oqaluttuartsuussapput.</p> <p>Assiliartalersuisartumik, suliniummik aqqutissiuussisinnaasumik, attaveqartoqassaaq. Suliniut meeqqat aasaanerani atuangiffeqarneranni ingerlanneqassaaq, taamaalilluni sapinngisamik meeqqat amerlanerpaat peqataasinnaassammata.</p>	
”Tarnikkut piorsarsimassuseq”	<p>Avataaniit siunnersortimik ikiuisussamik pisisoqassaaq, innuttaasunut ”inuttut ineriartornermik pikkorissarnerit” ingerlanneqarnissaannut.</p>	386.000.-
Katillugit.		1.462.000.-

Ingerlatsivimmit aningaasatigut sulisoqarnikkullu naliliinerit

Meeqqanut Atuarfeqarnermullu Ingerlatsivimmit Asa2-p aallartinneqarnissaa tapersorsorneqarpoq, tamanna Paamiuni innuttaasunut sammisassaqaqtitsiniutitut neqeroorutit amerlinissaanut iluaqutaassaaq. Paamiuni Peqqinnermut, Susassaqaqtitsinnermut Kultureqarnermullu Immikkoortortaqaqfiup aqqissuuteqqinneqarnera ingerlatsiviup ataani Susassaqaqtitsinnermut Immikkoortortaqaq suleqatigalugu pissaaq.

Suliffeqarfimmut Kiffartuussivimmit aningaasatigut naliliineq

Aqqissuulluakkamik pilersarusiornermut misissueqqissaarinnermullu immikkoortortaqaqfiup ”Paamiunut Tamakkiisumik pilersaarut” atorlugu aningaasalersorneqarsinnaasoq innersuussutigaa. Sanaartornermut aningaasaateqarfimmi aningaasaliissutit 3 mio. kr.-it 2023-meersut atornerqarnikuunngillat, taakkulu 2024-mut nuutinneqarnikuupput, tassungalu 3 mio. kr.-nik aningaasaleeqqittoqarnikuuvoq.

Inatsisitigut tunngavissaq allakkallu tunngaviusumik uppernarsaatillit

- 2023-mut missingersuutit pillugit isumaqatigiissut innersuussutigalugu

Siusinnerusukku aalajangiinerit

Aningaasaqarnermut Inuussutissarsiornermullu Ataatsimiititaq 02.05.24:

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- 2024-mut pingaarnertut missingersuutissatut siunnersuut akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Dorthe-Marie Mogensen-Fontain (S) attuumassuteqarnini nalunaarutigaa suliallu suliarinerani peqataanani.

Inassuteqaat akuersissutigineqarpoq ima oqaasertalerlugu:



Ataatsimiititap kissaatigaa, aaqqissuussaanermi allannguut aammalu najukkani suliarinnittarnissamut tunngasoq ingerlasoq, sapinngisamik piaartumik naammassineqassasoq aningaasaliissutillu Paamiunit aqunneqassasut.

Ilanngussat

1. Asa 2 pillugu Ukiumut pilersaarut
2. Paamiuni Peqqinnermut Susassaqartitsinermullu Immikkoortorta qarfiup aaqqissugaanerata allangortinneqarnera

Punkt 6: Tasiilami Sustainable Now-imit suliat “Tasiilami suleqatigiippugut” /Inoorusunermik siuarsaaneq aamma ineriartortitsinermi innuttaasunik peqataatitsinermik suliaqarneq

Beslutning

Ilisimatitsissut tusaatissatut tiguneqarpoq.

Bilag

Tasiilami inoorusussusermik siuarsaaneq Inuusuttut ineriartortinneqarnissaannut tunngatillugu piujuartitsinissamik suleriuseqarneq

Tasiilami 2024-mi aasaanerani isumasioqatigiinnissamut najoqqutassaq (Framework for the Summer 2024 Conference in Tasiilaq): “In the Center at the Edge of the World - New Encounters in East Greenland”



Tasiilami Sustainable Now-imit suliat “Tasiilami suleqatigiippugut” /Inoorusunermik siuarsaneq aamma ineriartortitsinermi innuttaasunik peqataatitsinermik suliaqarneq

Tasiilami Inuusuttut ineriartortinneqarnissaannut tunngatillugu pijuartitsinissamik suleriuseqarneq

Ilisimatitsissut

SagsID.: EMN-2022-08578

Suliffeqarfimmu Kiffartuussivik – kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Maannamut Sustainable Now-ip /(SUSNOW) Tasiilami ukiut sisamat sinnerlugit innuttaasunik peqataatitsilluni ineriartortitsinermik suliaqarpoq. Kommuneqarfik Sermersooq SUSNOW-imik ukiuni arfineq-pingasuni atuuttussamik isumaqatigiissusiorpoq, tulliuuttorlu tassaavoq Kommunalbestyrelsimut ilisimatitsissutitut nassiussaata.

SUSNOW-ip maannamut suliaj

SUSNOW 2019-ip ukiaanerani misissueqqaarneq ingerlanneqarneranili isumassarsiat allattorsimaffiat malillugu suliaqarpoq, taanna najukkami ataatsimiititaliamik, illoqarfimmi inuussutissarsiuteqartunik, aalisartut piniartullu peqatigiiffianik, illoqarfimmi innuttaasunik, peqatigiiffinnik suliffeqarfinnillu, illoqarfimmi isiginnaartunik allanilu oqaloqateqarnerit tunngavigalugit suliaavoq. Allattorsimaffik (illoqarfiup nutaamik ineriartortinnissaanut isumassarsiat nutaat siammasissut pitsanngorsaanerillu takutinneqarnerisa saniatigut) pingasunik pingaarnertut immikkoortotaqarpoq SUSNOW-imit ukkatarineqarnissaannut kissaatigineqartut:

1. Inissaqartitsinerup pitsaanerulersinneqarnissaa
2. Ilinniarfissaasinnaasunik ineriartortitsineq
3. Innuttaasup imminut pilersorsinnaanissaanut periarfissanik pitsaanerulersitsineq

Ukiunut 2020 - 2023-nut tunngatillugu suliat pillugit arlalinnik nalunaarusianik, tamanit www.susnow.gl-ikkut pissarsiarineqarsinnaasunik, SUSNOW suliaqarpoq.

SUSNOW-ip illoqarfimmi assigiinngitsut akornanni suleqatigiinnernut tapersersuisuusimavoq, sulinerlu maanna pitsaanerusemik ataqatigiissaarisooqartarneratigut suleqatigiittarnikkullu angusaqarfiulersimasooq takusinnaavarput. SUSNOW-p inuusuttut isumassarsiaat ineriartornissamullu periarfissaat tapersersorneqarput, taamaalillunilu inuusuttut inuusuttumiit inuusuttumut kinguaassiuutitigut ilinniartitsisartunik pilersitsisimallutik, taakku inuusuttunik allanik namminneq timiminnik, killissaminnik, kinguaassiuutinut tunngasunik paasinninnissaannik isummersornissaannullu ikiuisinnaasarput.

Siunissami sulinissamut pilersaarutaasut

Aasaq manna Skotlandimi The Polar Academy suleqatigalugu inuusuttunut Mountain Leader-itut ilinniagaq aallartinneqassaaq. Taamatut ingerlatsineq ukiunik marlunnik sivisussuseqalernissaa pilersaarutaavoq, taakkulu takornarianik angallassisartut kingorna nunat assigiinngitsut akornanni akuerisaasumik allagartaqalissapput. Tamatuma saniatigut The Polar Academy-mik attaveqarneq illoqarfimmi atuarfiup, "Tunumi meeqqat atuarfiat nutaaq"-tut, issittumi perorsaaneq aamma inuit



science tunngavigalugit, ineriartortinnissaanut tapersersuilluartuunissaanut ineriartortinneqarnissaa SUSNOW-ip neriuutigaa.

Aasaq manna Tasiilamiit Ittoqqortoormiunut 1924/1925-mi inunnik 100-ngajannik nuutsitsinermit ukiut 100-it qaangiunnera malunnartinniarlugu SUSNOW-imit assinik saqqummersitsinissaq tapersersorneqarpoq, angalasarneq nutaanillu inunnik unamminarsinnaasunillu naapitsisarneq pillugu isumasioqatigiissitsinermik annertunngitsumik ingerlatsinissaq pilersaarutigaarput, tassani qulequtarineqassaaq “New Encounters”, Reykjavikimi ilisimatusarfik, Iisimatusarfik aamma Nuummi Nunatta Katersugaasivia suleqatigalugit. Maannakkorpiaq tassunga isumasioqatigiinnissamut SUSNOW aningaasaateqarfinnut aningaasassarsiorpoq.

Maannakkut SUSNOW kalaalimeerniarfiup ineriartorteqqinnissaanut, taamalu aalisartut piniartullu pisaminnik suliarinninnissaminnut periarfissaqalernissaannut, sulissuteqarpoq. Taamaalilluni illoqarfimmi aalisakkanik pisanillu panersiinissamut/pujoorinissamut suliarinneqqaartarfinnut atorsinnaasamik mikisumik “food-lab”-imik aamma café-mik mikisumik tunumiutut nerisassianik pisiniarfiusinnaasumik kissaateqartoqarpoq, takornarianik angallassisartunik ilinniarfissamik ineriartortitsinermik suliaqartoqarpoq aamma “Blomsterdalens Højskole”, Tasiilami inuusuttunut innuttaasunullu allanut piujuartitsineq tunngavigalugu ilisimasaqalernissamut, ilinniagaqarnissamut ilinniaqqinnissamullu ilinniarfissaasussamik pilersitsinissamut misissueqqaartoqarpoq illoqarfimmilu toqqavinni nutaanngitsuni nutaanik sanaartortoqarnissaa suliaqartoqarluni, matumani inissiaqqanik amerlanerusunik peqalernissaa kissaataammat, illoqarfimmi inuusuttut suleqatigalugit illoqarfimmi sanasunit sanaartukkanik.

Inatsisitigut tunngavissaq allakkallu tunngaviusumik uppernarsaatillit

- Tasiilami Suleqatigiippugut 2020 - 2027 pillugu isumaqatigiissutitut allakkiaq

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Siusinnerusukkut aalajangiinerit

Aningaasaqarnermut Inuusutissarsiornermullu Ataatsimiititaq, 02.05.24:

Ilisimatitsissut tusaatissatut tiguneqarpoq.

Ilanngussat

1. Tasiilami inoorusussusermik siuarsaaneq Inuusuttut ineriartortinneqarnissaannut tunngatillugu piujuartitsinissamik suleriuseqarneq
2. Tasiilami 2024-mi aasaanerani isumasioqatigiinnissamut najoqqutassaq (Framework for the Summer 2024 Conference in Tasiilaq): “In the Center at the Edge of the World - New Encounters in East Greenland”

Punkt 7: Kulusumi Alivarpimmi 2023-mi nakkutilliineq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Kulusumi Alivarpimmi nakkutilliinermi nalunaarusiaq 2023

Kulusumi Alivarpimmi 2023-mi nakkutillineq pillugu ilisimatitsissut

Ilisimatitsissut

SagsID.: EMN-2023-04609

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsiornermullu Ataatsimiitap Kommunalbestyrelsimut inassuteqaatigaa:

- Kulusumi Alivarpimi nakkutilliinermi nalunaarusiaq tusaatissatut tiguneqassasoq

Suliasamik saqqummiussineq

Atuarfik pillugu Inatsisartut inatsisissaattut siunnersuut nr. 15, 3. decembari 2012-imeersumi § 43 naapertorlugu Kommunalbestyrelsi ataavartumik atuariit ingerlanneqarnerannik nakkutilliisussaataavoq. Septembarip arfineq-pingajuanni 2023-mi Atuarfeqarnermut immikkoortortamit Kulusumi Alivarpimmut siumut ilimasaarutigeriikkamik nakkutilliartortoqarpoq.

Nakkutilliinerup nalaani Kulusumi Alivarpimmi 42-nik atuortoqarpoq meeqqallu atuartussaataitasut tamarmik atuartuullutik. Atuartut 1.–9. klassimi atuarsinnaapput atuarfillu nalinginnaasunik tallimanik ataatsimoortitanik immikkullu ittumik atuartitsiffiusartumik ataatsimik klasseqarluni. Atuarfimmi ilinniartitsisut aqutsisullu piffissaq tamakkerlugu sulisartut qulinut amerlassusiligaapput. Atuarfiup aqutsisoqarfia ataatsimik skoleinspektøreqarpoq.

Nakkutilliinermi nalunaarusiamiit immikkoortut pingaarnerit ilai ataani allaqqasut oqaluuserisassami atuarneqarsinnaapput.

Pingaarnertut naliliineq

Nakkutilliineq tunngavigalugu naliliineq tamaat isigalugu atuarfik ingerlalluartutut nalilernerqarpoq, atuarfimmi aqutsineq peqataatitsilluni patajaallunilu ersarissuusoq, tamanna atuartut atugarissaarnerannut toqqissisimanerannullu pitsaasumik sunniuteqarluni.

Atuartsissutini angusat

Atuarfik nuna tamakkerlugu alloriarnerni misilitsinnerni peqataasarpoq. Ukiumi atuarfiusumi 2022/23-mi ukiut pingajuanni atuartut sisamat ukiullu arfineq-aappaanni atuortoq ataaseq misilitsinnerni peqataapput. 3. klassini alloriarnermi misilitsinnerni inernerit nuna tamakkerlugu matematikkimi inernerit eqqaassanngikkaanni agguaqatigiissinnerinut appasinnerulaarput. Aqutsisunit misilitsinnerit ineneri eqqummaariffigineqarput inernerillu malillugit pitsanngorsarneqarnissaannut suliniuteqartoqarpoq isumagalugu. 2023-mi soraarummeernermi kalaallisut allattariarsornermi, qallunaatut allattariarsornermi aamma matematikkimi piginnaasanik misilitsinnermi angusat nuna tamakkerlugu agguaqatigiissinnerini qaffasinnerupput.

Nalunaaquttap akunnerinik atuineq

Atuarfik pillugu Inatsisartut inatsisissaattut siunnersuut nr. 15, 3. december 2012-imeersumi § 7 imm. 2 naapertorlugu ukiumi atuarfiusumi 2022/23-mi atuartut atuartaaneranni piffissaq atuartsinnermi akunnerit ikinnerpaaffissaannik piumasaqaat atuarfimmit malinneqanngilaq. Taamaalilluni ukiut arferngani arfineq-aappaannilu atuartut sapaatip akunneranut lektionit atuartsiffiusut marluk amigaatigivaat ukiullu tallimassaani qulingiluassaanilu atuartut sapaatip akunneranut lektioni atuartsiffiusoq ataaseq amigaatigalugu. Ukiuni atuarfiusuni allani atuartut atuartsinnermi akunnerit ikinnerpaaffissaat malippaat. Atuarfimmi klassi immikkut ittumik atuartsiffiusoq arfineq-marlunnik atuartiluk nalunaaquttap akunneri 750-it atuartsinissamut tunineqarsimavoq, tassa sapaatip akunneranut lektionit 25-t missaat. Atuarfik piumaffigineqarpoq lektionit atuartsiffissat amigaatigineqartut ukioqatigiiaanut taakkununga sisamanut ilanngunneqassasut. Tamanna malinnaaffigineqarumaarpoq.

Atuartut

Atuarfik torersuutitsinissamut malittarisassaqqarpoq, klassillu tamarmik ingerlaavartumik ataatsimoorussamik klassimi naleqartitat pillugit suliaqartarput.

Atuartut ukiumut marloriarlutik nalilersornerinut atatillugu nalilersueriaaseq ANGUSAKKA atorneqartarpoq.

Atuartut atuanngitsoortarneri ullut tamaasa protokolinit nalunaarsorneqartarput. Atuarfimmi atuanngitsoortarnej nalinginnaasumik annertunngilaq. Atuartumik atuanngitsuukulasooqarpat, klasselæneri angajoqqaanut attaviginnitarpoq.

Atuarfik atuartut siunnersuisoqatigeeqqarpoq. Atuartut siunnersuisoqatigiivinit saaffigisartakkap atuartut siunnersuisoqatigiivinit ikiuuttassasoq nukittorsaassasorlu innersuussutigineqarpoq .

Sulisut

Ilinniartitsisut semesterimut ukiumullu pilersaarutinik suliaqartarput. Ilinniartitsisunit ilinniartitsisut ilinniarsimasunit timelænerinillu atuartitsineq ingerlanneqartarpoq aamma ilinniartitsisut ilinniarsimasut sapinngisamik linjefagiminni atuartitsisarput. Atuarfik ilinniartitsisumik/atuartitsisumik ataatsimik amigaateqqarpoq. Atuarfimmi timelænerit atuartitsinermik pilersaarusiorneq, ingerlatsineq nalilersuinerlu pillugit ullut marluk pikkorissarnermi peqataasimapput. Taava aamma iPad atorlugu atuartitsinissamut piginnaasaminnik ineriartortitsinermi pikkorissarnermi peqataasimallutik.

Angajoqqaanik suleqateqqarneq

Nalinginnaasumik angajoqqaat qanimut suleqatigineqarluarput. Ukiut tamaasa atuarfiup angerlarsimaffiullu akornanni pinngitsooratik oqaloqatigiinnissat marluk ingerlanneqartarput, tassani klasselæneri, fagini ilinniartitsisut, atuartoq angajoqqaallu peqataasarput. Ukioq atuarfiusoq aallartikkaangat ukiumoortumik angajoqqaat ataatsimiitinneqartarput, ilaatigut skiima atuanngiffeqqarnissamullu pilersaarut agguanneqartarlutik.

Atuarfiup siulersuisui

Atuarfik ingerlalluartunik atuarfimmi siulersuisoqqarpoq qaammatillu tamaasa ataatsimiittarlutik.

Illuutitigut sinaakkutit

Atuarfimmi init ataatsimut isigalugit pitsaasuupput, atuarfillu torersuuvoq eqqiluillunilu. Isumannaallisaanikkut inigitigullu atugassarititat eqqarsaatigalugit fysikkimi sananermilu atorlut/sakkut ilisivimmut parnaarlugit inissinneqartarput, isumannaallisaanermullu iliuitsit malippaat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaattillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Siuserusukkut aalajangiinerit

Meeqqanut Ilaqutariinnut Atuarfeqqarnermullu Ataatsimiititaq, 11.04.24:

Ilisimatitsissut tusaatissatut tiguneqarpoq.

Aningaasaqqarnermut Inuussutissarsiornermullu Ataatsimiititaq, 02.05.24:

Ilisimatitsissut tusaatissatut tiguneqarpoq.

Ilanngussat

1. Kulusumi Alivarpimmi nakkutilliinermit nalunaarusiaq 2023

Punkt 8: Atuarfik Hans Lyngemut (AHL) nakkutilliarturnermit nalunaarusiaq 2023

Beslutning

Ilisimatitsissut tusaatissatut tiguneqarpoq.

Bilag

Atuarfik Hans Lyngemi nakkutilliarturnermit nalunaarusiaq 2023



Atuarfik Hans Lyngemut (AHL) nakkutilliiartornermit nalunaarusiaq 2023

Ilisimatitsissut

SagsID.: EMN-2023-04581

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuusutissarsiornermullu Ataatsimiitap Kommunalbestyrelsimut inassuteqaatigaa:

- nakkutilliinermut nalunaarusiaq tusaatissatut tiguneqassasoq

Suliassamik saqqummiussineq

Atuarfik pillugu Inatsisartut inatsisaattut siunnersuut nr. 15, 3. december 2012-imeersumi § 43 naapertorlugu Kommunalbestyrelsi pisussaavoq atuarfeqarfiit ingerlanneqarnerannik nakkutilliissasoq. Atuarfeqarnermut immikkoortortaq ilimasaarutigineqareersumik ulloq 6. november 2023 AHL-imut nakkutilliiartorpoq.

Nakkutilliiartortunit suliatigut ataatsimut nalilerneqarpoq, AHL atuarfiusoq pilerigineqarluartooq, atuartullu amerlassusaat ukiut tamaasa amerliartorlutik. Tamatuma kingunerivaa init atuartitsiviusartut amigalernerat.

Piffissami sivitsulersumi atuarfimmi sulisussanik atorfinitsitsiniarnerup ajornartorsiutaanera pillugu arlalinnit naammagittaalliutit tiguneqartarput taamaattumillu Sullivimmi Avatangiisit pillugit (APV) nalilersuinerit atuarfimmi aallartinneqarput.

Atuartitsissutini angusat

Pitsaassutsimik nalunaarusiami kingullerpaami takuneqarsinnaavoq, 3. aamma 7. klassini alloriarfinni misilitsinnerni inernerit nunatta sinnerani inernerit agguaqatigiissinnerannut sanilliunnerat qaffasinnerusoq. Atuarfimmit anguniarneqarpoq kalaallisut angusat pitsanngorsaaviginissaat, aammalu sapinngisamik ilinniartitsisunik ilinniartitsissummi tassani linjefag-ilinnik ilinniartitsisoqarnissaa. Aammattaaq ukiumi atuarfiusumi matumani pitsaassutsimik ineriartortitsisartumik atorfinitsitsisoqarsimavoq, taannalu ilinniartitsissutinik qaffassaaqataassaaq.

Nalunaaquttap akunnerinik atuineq

Atuarfeqarnermut inatsit naapertorlugu atuarfimmit nalunaaquttap akunnerinik atuineq minnerpaaffianiitinneqarpoq.

Atuartut naliliiffigineqarnerat

Ilinniartitsisunit ANGUSAKKA immersorneqartarpoq Tea Tabulex atorlugu, aamma aqqissuussaartarput atuartut angajoqqaaminnut angusaminnik takutitsisinnaallutik. Atuarfiup angerlarsimaffiullu akornanni oqaloqatigiittussaataitanerit ingerlanneqartarputtaaq. Maannakkorpiaq periuseq, taaneqartartoq "Taksinto", atuutilersinniarlugu sulissutigineqarpoq, tassani atuartut namminneerlutik anguniakkaminnik atuarnerminnilu killiffimminnik naliliisinnaallutik.

Atuartut atuangitsoortarnerat

Pitsaassutsimut nalunaarusiaq 2023 malillugu atuartut atuangitsoortarneri agguaqatigiissillugit 14,27%-iuvoq. Atuartoq atuangitsuukulavallaarpat imaluunniit atuarumangippat, angerlarsimaffik aamma/imaluunniit ilinniartitsisut siunnersuisartut suleqatigiillutik atuartup peqanngittarnera



annikillisarniarlugu suliniuteqartarput. Angerlarsimaffimmik suleqateqarneq pitsaanerpaajungippat, inunnik isumaginninnermik ingerlatsivimmut nalunaarutiginnittoqartarpoq.

Ilinniartitsisut sulinngitsoortarnerat

Pitsaassutsimik nalunaarusiami 2023-meersumi ilinniartitsisut sulinngitsoortarnerat, sivisuumik napparsimanermik nalunaarutit ilanngullugit agguaqatigiissillugu 10,5%-iuvoq. Ilinniartitsisoq peqanngippallaaraangat, pineqartoq peqannginneq- isumassuineq pillugit oqaloqatigiinnissamut aggeqquneqartarpoq sulinngitsoortarneranut suna pissutaanersoq paasiumallugu. Tamatuma kingorna peqatigiilluni ajornartorsiut pitsaanerpaamik aaqqiiviginiarneqartarpoq. Kingornalu peqannginneq- isumassuineq pillugit oqaloqatiginninneq malitseqartinniarlugu oqaloqatigiittoqartarpoq.

Atuartut siunnersuisoqatigiivi

Atuarfimmi atuartut siunnersuisoqatigiivi ingerlalluarput, atuarfimmilu arlalitsigut iliuuseqarnerit ingerlanneqarnikuupput. Tamakkua ilagaat anitsiartarnerit sivilunerusut.

Illumi atugassaritneqartut

Atuarfimmi atuartut amerlassusissaat eqqarsaatigalugu atuartut amerlavallaarput, tamannalu ininik atuartitsiviusunik amigaateqarnermik kinguneqarpoq. Tamannattaq atortorissaarutit annertuumik nungullarnerannik kinguneqarpoq.

Allat

Atuarfimmi siulersuisut 2023-mi maajimili amerlassusaat tamakkiisuunngilaq. Oktobarimi 2023 atuarfiup siulersuisuinik qinersisoqarpoq, amerlassusaat tamakkerlutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq

Suliffeqarfimmut Kiffartuussivimmit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Siusinnerusukkut aalajangiinerit

Meeqqanut, Ilaqtariinnut Atuarfeqarnermullu Ataatsimiititaq, 11.04.24:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 02.05.24:

Ilisimatitsissut tusaatissatut tiguneqarpoq.

Ilanngussat

1. Atuarfik Hans Lyngemi nakkutilliarernermit nalunaarusiaq 2023

Punkt 9: Nuussuup Atuarfianut nakkutilliiartornermit nalunaarusiaq 2023

Beslutning

Ilisimatitsissut tusaatissatut tiguneqarpoq.

Bilag

Nuussuup Atuarfianut nakkutilliiartornermit nalunaarusiaq 2023



Nuussuup Atuarfianut nakkutilliiartornermit nalunaarusiaq 2023

Ilisimatitsissut

SagsID.: EMN-2023-04713

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuusutissarsiornermullu Ataatsimiitap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Atuarfik pillugu Inatsisartut inatsisaattut siunnersuut nr. 15, 3. decembari 2012-imeersumi § 43 naapertorlugu Kommunalbestyrelse ataavartumik atuariit ingerlanneqarnerannik nakkutilliiussaatitaavoq. Atuarfeqarnermut Immikkoortortaq ilimasaarutigineqareersumik novembarip 21-anni 2023-mi Nuussuup Atuarfianut nakkutilliiartorpoq.

Nakkutilliiartornermi suliatigut pingaarnertut naliiisoqarpoq, atuarfik ataatsimut isigalugu ingerlalluortoq, atuarfik erseqqissunik killiliussaqqortoq aqqissuulluagaasorlu. Atuarfimmi ilinniartitsisut taarseraappiangillat.

Atuartitsissutini angusat

2023-mi 3. klassini alloriarfimmi qallunaatut misilitsinnermi angusat nuna tamakkerlugu agguaqatigiissitsinnermiit qaffasinnerusumik angusaqarfiusimapput kiisalu 7. klassini kalaallisut, matematikkimi tuluttullu atuartitsinnermi nuna tamakkerlugu agguaqatigiissitsinnermiit qaffasinnerullutik. Inaarutaasumik misilitsinnermut tunngatillugu atuarfimmi fagini tamani nuna tamakkerlugu agguaqatigiissitsinnermit appasinnerusumik angusaqarfiusimapput. Alloriarfimmi misilitsinnerit inaarutaasumillu misilitsinnerit kingullit ukiup atuarfiusup nutaap aallartilaarnerani misissorneqartarput. Atuarfimmi atuartitsinnerit tamarmik ilinniartitsisunit ilinniarsimasunit ingerlanneqartarput, ilinniartitsisullu sapinngisamik linjefagiminni ilinniartitsisarlutik.

Nalunaaquttap akunnerinik atuineq

Atuarfimmi meeqqat atuariat pillugu inatsimmi minnerpaaffiliussaqq naapertorlugu ingerlatsisoqarpoq.

Atuartut naliliiffigineqarneri

Atuartut ukiumut marloriarlutik nalilersorneqartarput, tassungalu atatillugu atuariup angerlarsimaffiullu akornanni oqaloqatiginninnerit ingerlanneqartarput.

Atuartut atuanngitsoortarnerat

Atuartoq atuanngitsookulavallaaraangat atuartoq pillugu iliuusissatut pilersaarummik suliaqqortoqartarpoq angajoqqaat atuarfimmilu isumaginninnermik siunnersuisoq suleqatigalugit.

Ilinniartitsisut sulinngitsoortarnerat

Napparsimalluni sulinngitsoornerit pillugit atuarfik politikkeqarpoq, erseqqissumik allaaserineqartumik suna qaqugulu sulinngitsoornerit pillugit malitseqartinneqartarnissaat. Ilinniartitsisut sulinngitsoortarnerat qaammatit pingasukkaarlugit malitseqartitsivigineqartarpoq, ilinniartitsisullu sulinngitsookulavallaartut peqqissuseq pillugu imaluunniit atorfirmut tunngatillugu oqaloqatigineqartarput.



Atuartut siunnersuisoqatigiivi

Ukiumut ataasiarluni atuartut siunnersuisoqatigiivinut qinersisitsisoqartarpoq Oqartussaaqataanermik ulloqartitsinermi. Klassit tamarmik atuartut siunnersuisoqatigiivinut sinniisuutitaqarput. Atuartut siunnersuisoqatigiivi ulluinnarni susoqarnera atuarfimmilu avatangiisitik eqqummaariffigeqqissaartarpaat. Atuartut siunnersuisoqatigiivinit atuarfimmi siulersuisunut akuttunngitsumik innersuussutinik apuussisoqartarpoq.

Allat

Atuarfimmit kissaatigineqarpoq, Ulloq naallugu atuarfimmut innersuusseriaaseq pitsaanerulersinneqassasoq, atuartut Ulloq naallugu atuarfimmut ullumikkut innersuunneqartartut assigiinngitsunik pisariaqartitsisarlutillu assigiinngittarnermik. Peqatigitillugu kissaatigineqarpoq, Ulloq naallugu atuarfik Nuussuup Atuarfianiit avissaartilugu atuarfittut immikkoortinneqassasoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Siusinnerusukkut aalajangiinerit

Meeqqanut, Ilaqutariinnut Atuarfeqarnermullu Ataatsimiititaq, 11.04.24:

Ilisimatitsissut tusaatissatut tiguneqarpoq.

Aningaasaqarnermut Inuusutissarsiornermullu Ataatsimiititaq, 02.05.24:

Ilisimatitsissut tusaatissatut tiguneqarpoq.

Ilanngussat

1. Nuussuup Atuarfianut nakkutilliarnermit nalunaarussiaq 2023

Punkt 10: Tasiilami Alivarpí pillugu nakkutilliinermi nalunaarusiaq 2023

Beslutning

Ilisimatitsissut tusaatissatut tiguneqarpoq.

Bilag

Tasiilami Alivarpí pillugu nakkutilliinermi nalunaarusiaq 2023



Tasiilami Alivarpri pillugu nakkutilliinermi nalunaarussiaq 2023

Ilisimatitsissut

SagsiD.: EMN-2023-04341

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuusutissarsionermullu Ataatsimiitap Kommunalbestyrelsimut inassuteqaatigaa:

- nakkutilliinermi nalunaarussiaq tusaatissatut tiguneqassasoq

Suliassamik saqqummiussineq

Atuarfik pillugu Inatsisartut inatsisissaattut siunnersuut nr. 15, 3. decembari 2012 § 43 naapertorlugu Kommunalbestyrelse ataavartumik atuariit ingerlanneqarnerannik nakkutilliisussaataavoq. Aggustip ulluisa 31-anni 2023-mi Atuarfeqarnermut immikkoortortamiit Tasiilap Alivarpiani siumut ilimasaarutigerikkamik nakkutilliartortoqarpoq.

Pingaarnertut sulianik naliliineq nakkutilliineq tunngavigalugu pivoq, tassalu atuarfik atortuulu pitsaasuusut atuartut atuarnerisa nalaanni pitsaasunik atugassaqaartitsisut. Atuarfiup aqutsisuata atuarfik ingerlalluarpaa. Ilinniartitsisut atorfiit pingajorarterutai timelærerinik inuttaqartinneqarput. Taamaattumik timelærerit pikkorissarneqarnissaat annerusumik pingaartinneqarpoq, Tasiilami najugaqartuummata ukiorpassuarnilu atuarfimmi sulillutik.

Nakkutilliinermi nalunaarusiamiit immikkoortut pingaarnertit ilaat tulluittumi saqqummiunneqarput.

Atuartitsissutini angusat

Alloriarfimmi misilitsinnerit trinikkuutaartumik inernerit tamanut saqqummiunneqaraangata atuarfik ataatsimut malitseqaartitsinnerut aalajangersimasunik ileqqoqanngilaq. Taarsiullugu ilinniartitsisut ataasiakkaat aalajangiisuusarput. Taamaattumik atuarfiup aqutsisuata, inernerit systemimi pitsaannerusumik malitseqaartinneqartarnissaat kissaatigivaa. Atuarfimmi aqutsisunit nassuerutigineqarpoq, trinikkuutaartumik misilitsinnerit inaarutaasumillu misilitsinnerit inernerit appasippallaartut. Uani misilitsinnermi oqaatsit eqqumaffigineqassapput, misilitsinnerillu unammillernarsinnaapput, atuartut tunumiusut oqaaseqarmata misilitsissutigineqartullu kitaamiusoortuullutik. Inaarutaasumik misilitsinnernut tunngatillugu, 10. klassini atuartut tamarmik ilinniarsimasunik ilinniartitsisoqartinneqarnissaat anguniarneqartarpoq. Atuarfimmi ilinniartitsisut taarsaannerat atuartut misilitsittarnerinut misilitsinnermilu angusanut ajortumik sunniuteqarpoq.

Nalunaaquttap akunnerinik atuineq

Atuarfiup ilinniartitsinissamut akunnerit tunniunneqartut killiliussat iluini atorpai. Atuarfimmi nukarliit tuluttoornermik sulii neqeroorfigineqanngillat. Tassunga atuartut oqaatsinik pingasunik peqareernerat tunngavigineqarpoq, tunumiusut, kitaamiusut qallunaatullu. Atuarfintut immikkoortoqarfimmit erseqqissarneqarpoq nukarliit tuluttut ilinniartinneqassasut. Naasunnguaq atuarfimmi suliniutaavoq, immikkut akunnernik atugassinneqarsimasoq. Suliniut atuarfiup eqqarsaatigeqqissavaa.

Atuartut naliliiffigineqarneri

Ilinniartitsisunit atuartunut Angusakka ukiumut marloriarlugit immersorneqartarput, kingornatigullu atuartut angajoqqaavilu kisimiitsillugit oqaloqatigineqartarput. Tamatuma saniatigut



klassikkuutaarlugit angajoqqaat ataatsimeeqatigineqartarput. Atuarfiup angajoqqaanut quppersagaq aamma atortarpaa taannalu angajoqqaanut tamanut tunniussuunneqartarpoq. Ukiumut pilersaarutit aamma ilikkagassatut anguniakkat atuartunut angajoqqaanullu erseqqissuunissaat atuarfimmil piumasaqaataasimangilaq. Skoleintra atorneratigut siunertarineqarpoq angajoqqaat meeqqamik atuarnerinik paasisimasaqarnerulernissaat.

Atuartut atuanngitsoortarnerat

Atuartut atuariatortarnerat allattorneqartarpoq, taakkulu aamma Skoleintra-mut nalunaarneqartarput. Atuanngitsookulasoqarpat, atuarfik attaveqarfiit ataatsimiinnissaannut aggersaasarpoq. Atuarfimmil aqutsisunit paasineqarpoq ilinniartitsisunit tamanit atuartut atuanngitsookulasut eqqumaffigineqarsimangitsut, taamaattumillu tamanna iluarsiviginiarlugu pingaartinneqarpoq.

Ilinniartitsisut sulinngitsoortarnerat

Atuarfimmil aqutsisunit nalilerneqarpoq ilinniartitsisut sulinngitsoortarnerat qaffasippallaartoq, tamannalu appartinniarlugu suliniuteqartoqartoq. Atuarfimmil aqutsisunit kinguneqartitsisarnermut iliuuseqartarnermullu ilitsersuutit HR-imiit piniarneqarput. Atuarfeqarnermut immikkoortoqarfiup innersuussutigivaa aqutsisut atorfinitsitsisarnermut inatsisinik pikkorissartinneqassasut. Ilinniartitsisut sulinngitsoortarnerisa qaffasinnerujussuata aamma kingunerivaa sulisut pikkorissartinniarneqartarnerisa ajornakusoortarnera, ilinniartitsisut pikkorissarnerini taartissaqartinniarneqartarnerat ajornakusoortarmat. Taamaattumik Atuarfeqarnermut immikkoortoqarfiup innersuussutigivaa, skemaliorneq eqaannerussasoq, ilinniartitsisut pikkorissarneq pissutigalugu pilersaarutaasumik peqassanngikkaangata.

Atuartut siunnersuisoqatigiivi

Atuartut siunnersuisoqatigiivi ukiup atuarfiusup siuliani ingerlanneqarsimangilaq. Atuarfeqarnermut immikkoortoqarfiup erseqqissarpaa, atuartut siunnersuisoqatigiivi aallarteqqinneqassasoq.

Illumi atugassaritinneqartut

Atuarfiup sannaa pitsaasuvoq. Faginut inini atortorissaarutit pitsaapput aamma atuarfik paarilluagaavoq. Atuarfiup silataani pinnguartarfeqarpoq, kisianni atuartorpassuit ataatsikkut silamiikkaangata, silamiinnermi sammisassaqaartitsiviit ikippat.

Allat

Naak atuarfimmil aqutissiuussisut 10. klassimi atuartunik tamanik ataasiakkaaralutik, angajoqqaavinillu, meeqqat atuarfiat naammassigunikkul pilersaarutaat pillugit oqaloqateqartaraluartut, atuartut meeqqat atuarfiata kingornatigut suniarnersut nalunaarsorneqarneq ajorput. Tamanna atuarfiup aqutsisuisa arajutsisimangilaat. Nerisaqarneq pillugu aaqqissuussami nerisassanik tunniussisarneq ajornartorsiutigineqarsimavoq, tassani atuarfimmil atuartunut tamanut nerisassat naammattuaannarsimangimmata.

Nakkutillisoqarnerata nalaani atuarfimmil psykologimik isumaginninnermiluunniit siunnersortimik atorfeqartoqanngilaq. Taakkuninnga atorfinitsitsiniarneq ajornakusuuinnassappat, Atuarfeqarnermut Immikkoortoqarfiup innersuussutigivaa taarsiullugu oqaloqatiginnittartussamik atorfinitsitsisoqassasoq.

Atuarfiup aqutsisuinut angajoqqaaniit atuartuniillu naammagittaalliutigineqartartut amerlanerpaat oqaasiinnakkut apuunneqartarput oqaatsitigullu iluarsineqartarlutik. Atuarfeqarnermut Immikkoortoqarfimmit innersuussutaavoq, tamakku siunissami allakkatigut pisassasut allakkatigullu suliarneqarlutik. Atuartunut pissaaneq atorneqarsimappat imaluunniit sulinermit ajoquseroqarsimappat nalunaarsuisoqartassaaq. Ilanngullugu atuarfiup isumannaallisaasuini ataatsimiinnerit imaqarniliorneqartassapput.



Ingerlatsivimmit aningaasatigut sulisoqarnikkullu naliliinerit

Pisariaqanngilaq

Suliffeqarfimmut Kiffartuussivimmit aningaasatigut naliliineq

Pisariaqanngilaq

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Siusinnerusukkut aalajangiinerit

Meeqqanut, Ilaqtariinnut Atuarfeqarnermullu Ataatsimiititaq, 11.04.24:

Ilisimatitsissut tusaatissatut tiguneqarpoq.

Aningaasaqarnermut Inuusutissarsiornermullu Ataatsimiititaq, 02.05.24:

Ilisimatitsissut tusaatissatut tiguneqarpoq.

Ilanngussat

1. Tasiilami Alivarpi pillugu nakkutilliinermit nalunaarussiaq 2023

Punkt 11: Tasiilami atuartut angerlarsimaffiat pillugu nakkutilliinermi nalunaarusiaq 2023

Beslutning

Ilisimatitsissut tusaatissatut tiguneqarpoq.

Bilag

Tasiilami atuartut angerlarsimaffiat pillugu nakkutilliinermi nalunaarusiaq 2023



Tasiilami atuartut angerlarsimaffiat pillugu nakkutilliinermi nalunaarussiaq 2023

Ilisimatitsissut

SagsID.: EMN-2023-05019

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsiornermullu Ataatsimiitap Kommunalbestyrelsimut inassuteqaatigaa:

- nakkutilliinermi nalunaarussiaq tusaatissatut tiguneqassasoq

Suliassamik saqqummiussineq

Atuariartortunut atuartut angerlarsimaffianniititsisarneq pillugu Namminersorlutik Oqartussat nalunaarutaanni § 26 naapertorlugu Kommunalbestyrelse kommunimi atuartut angerlarsimaffiannik nalinginnaasumik aamma perorsaaneermut tunngasunik nakkutilliisussaavoq. Meeqqanut Atuarfeqarnermullu Ingerlatsivimmi Atuarfeqarnermut immikkoortortaq 2023-mi septembarip ulluisa 23-anni Tasiilami meeqqat angerlarsimaffianni ilimasaaruteqareernikkut nakkutilliisoqarpoq.

Tasiilami atuartut angerlarsimaffiat atuartunut 40-nut inissaqarpoq, nunaqarfinniillu Sermiligaamiit, Kuummiiniit, Kulusummiit, Isertumiit aamma Tiilerilaamiit atuartunik Tasiilami Alivarpimmi 9. aamma 10. klassimi atuartussanik najugaqartitsisarlu. Piffissami nakkutilliartornerup nalaani atuartut 20-t atuartut angerlarsimaffianniipput.

Atuartut angerlarsimaffianni aqutsisoq tullersortaalu nutaapajaajugaluarlutik Namminersorlutik Oqartussat atuartut angerlarsimaffiat pillugu nalunaarutaat malillugu suleqatigiilluartut, tamaat isigalugu naliliisoqarpoq. Atuartut sunngiffimmi sammisaqarnissaminnut periarfissaqarput, kissaatigisartillu malillugu ineeqqami kisimiillutik ineqateqarlutilluunniit najugaqarsinnaallutik.

Sulisut amerlanerit ilinniarsimasuunnginnerat unammilligassaqartitsivoq, tamannalu isumaqarpoq, ataavartumik piginnaanngorsartarnissaat aamma/imaluunniit pikkorissartarnissaat pisariaqartoq. Atuartut angerlarsimaffiannut Kommunip immikkoortumut pilersaarutaata atuutilersinnissaa aallartisaleruttorpoq.

Ataani nakkutilliinermi nalunaarussiaq imaanik naatsumik saqqummiussisoqassaaq.

Ilinniakkerineq aamma perorsaaneq sammisassat

Ilinniakkerinermi ikiorneqarnissaq pillugu neqerooruteqarpoq. Assigiinngitsunik ataatsimut sammisassaqartarpoq, soorlu qiortanerit, nerrivimmi arsaarernerit, nallukattarnerit, tammoornerit kiisalu nipilersorneq. Atuartut angerlarsimaffiat illoqarfiup timersortarfianit piffissalernerneqarnikuuvoq, tassani atuartut sulisullu timersuutit assigiinngitsunik timersoqatigiissinnaallutik, atuartullu ilaat aamma sunngiffimmini timersortartuupput. Ukiumoortumik atuartunut aallaarsimaartitsisoqartarpoq, aammalu assigiinngitsunik angalaarnissanik aqqissuussisoqartarluni. Atuartunut aamma assigiinngitsunik immikkut ittumik sammisassaqartitsisoqartarpoq assersuutigalugu naartunaveersaatit kiisalu aanngajaarniutit pillugit immikkut ittumik sammisaqartitsisoqarnikuuvoq.



Illup iluani pisussaaffiit

Atuartut pisussaaffeqarput namminneerlutillu atisatik errortussaavaat ineeqqaminnillu ininilu ataatsimoorfiusuni eqqiaasussaallutik. Nerisarfimmi nerisoqartarnera aammalu nerisassat avataanit nerisassiarineqartarneri pissutigalugu atuartut nerisassioqataasinnaanerat periarfissaanngilaq.

Angajoqqaanik suleqateqarneq

Atuartut angerlarsimaffianni aqutsisoq nunaqarfinnut tamanut ukiut tamaasa angalasarpoq atuariatortussat angajoqqaavilu piareersarnissaat pillugit naapinniarlugit. Tassani atuartup najugaqarnermini naatsorsuutigisinnaasai erseqqissarneqartarput. Angajoqqaat atuarfiup angerlarsimaffiullu akornanni oqaloqatigiinnermut ANGUSAKKA-nullu atatilugu peqataatinneqartarput. Angajoqqaat aamma nalunaarfigineqartarput atuartoq illumi ileqqussatullu malittarisassanik unioqquitsisimatillugu.

Siunnersorteqarneq

Atuartut angerlarsimaffianni inersimasut marluk atuartunut attaveqaataasarput/siunnersortaasarput. Siunnersortit atuartut angajoqqaavi sapaatip akunnikkaartumik oqarasuaatikkut attaveqarfigisarpaat, aammalu meeqqap najugaqarnera, atuarnera ulluinnaalu pillugit ilisimatitsisarlutik. Siunnersortit aamma atuarfiup angajoqqaallu akornanni attaveqaatit atuuqput.

Najugaqartut siunnersuisooqatigiivi

Najugaqartut siunnersuisooqatigiivi nakkutilliinerup nalaani atuutinngillat, kisianni taakkua ataatsimiinnerannut attaveqaataasinnaasunik ingerlatsisinnaasunillu sulisunik marlunnik nassaarniartoqarpoq. Atuarfeqarnermut immikkoortortaqarfimmit sukaterisoqarpoq atuartut angerlarsimaffianni najugaqartut siunnersuisooqatigeeqassasut piumasarineqarluni.

Kaasarfimmiussat

Atuartut kortimik aningaasanik tigusissuteqarunik ullut 14-ikkaarlugit 150 koruuninik kaasarfimmiussarsisarput. Atuartut pingasut kaasarfimmiussarsineq ajorput angajoqqaavisa kortimik aningaasanik tigusissutissaannik peqarnissaat isumagisimangimmassuk. Atuarfeqarnermut immikkoortortaq taamaattumik innersuussivoq, meeqqanut taakkununga pingasunut kortimik aningaasanik tigusissummik pilersitsisoqarnissaa siuneralugu angajoqqaat eqqaasinneqassasut, siunissamilu angajoqqaat atuartut angerlarsimaffianni najugaqartitsinissamut qinnuteqaasiornerminni ilutigalugu kortimik aningaasanik tigusissummik pilersitsinissamut immersuisassasut.

Angerlamut angalaneq aamma piareersaataasumik najugaqarneq

Atuartut juullimi aasaanerani atuanggiffeqarnermi nunaqarfimminut angerlartinneqartarput, kiisalu assersuutigalugu ukiaanerani poorskimiluunniit atuanggiffeqarnermi angerlartoqarsinnaasarpog, angajoqqaat akiliineritigut. Pilersaarutaavoq, atuartut ukiumi atuarfiusumi 2024/2025-mi aallartittussat atuarnerup aallartinnginnerani atuartut angerlarsimaffiannukassasut piareersaatigalugu najugaqarlutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Atuariartortunut atuartut angerlarsimaffianiititsisarneq pillugu Namminersorlutik Oqartussat nalunaarutaat

Siusinnerusukkut aalajangiinerit

Meeqqanut, Ilaqutariinnut Atuarfeqarnermullu Ataatsimiititaq, 11.04.24:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 02.05.24:

Ilisimatitsissut tusaatissatut tiguneqarpoq.

Ilanngussat

1. Tasiilami atuartut angerlarsimaffiat pillugu nakkutilliinermiit nalunaarusiaq 2023

Punkt 12: Pineqaatissinneqarsimasunut marluusunut Danmarkimi inissinneqarsimanerannut akiliisussaataa nermut tunngasumik Højesteretimi eqqartuussut pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Højesteretimi eqqartuussissutip nalunaarutigineqarnera, ulloq 16. januaari 2024-meersoq

Pineqaatissinneqarsimasunut marluusunut Danmarkimi inissinneqarsimanerannut akiliisussaataitanermut tunngasumik Højesteretimi eqqartuussut pillugu ilisimatitsissut

Ilisimatitsissut

SagsID.: EMN-2024-00619

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Innuttaasut marluk pineqaatissinneqarsimallutik inissinneqarsimasunut tunngatillugu Randers Kommune aamma Lolland Kommune akiliisimannginneri pillugu Kommuneqarfik Sermersooq februaarimi 2021-mi eqqartuussivimmu suliassanngortitsivoq.

Suliamut tunngasumik Suliffeqarnermut Isumaginninnermullu Ataatsimiititamut siusinnerusukkut ilisimatitsissutigineqarnikuvoq, tassa ataatsimiititap 2021-mi maajip 7-ianni ataatsimiinnerani.

Suliali immikkuullarissuunera pillugu illoqarfiup eqqartuussivianut taarsiullugu nunap eqqartuussiviani aallartinneqarpoq. Suliaq Vestre Landsretimi kiisalu Højesteretimi ingerlanneqarnikuvoq, maannalu Højesteretimi ulloq 16. januaari 2024-meersukkut eqqartuussissutip nalunaarutigineqarneratigut inaarneqarluni.

Eqqartuussissummi Kommuneqarfik Sermersooq tunngaviatigut ilalerneqarpoq, aningaasaqarnermullu tunngasortaanik tamakkiisumiunngitsoq ilalerneqarluni.

Suliap tunuliaqutaa

Suliami pineqarlutik innuttaasut marluk pineqaatissinneqarsimasut inissinneqarsimasut, siullermik Kalaallit Nunaanni pineqaatissinneqarsimasut kingornagullu Danmarkimi pineqaatissinneqarsimallutik, tassungalu peqatigitillugu Kalaallit Nunaanni pineqaatissinneqarsimanerat atorunnaarsinneqarsimalluni.

Innuttaasut oktobarimi 2010-mi Nuummi eqqartuunneqarsimapput Hedensted Kommunemilu inissiisarfirmut inissinneqarlutik. Tamatuma kingornagut Hedenstedimiitsillutik aprili 2014-imi Horsensip Eqqartuussiviani eqqartuunneqarput, tassani Nuuk Kredsretimi eqqartuussaananer atarunnaarsinneqarluni.

Innuttaasut inissinneqarsimanerinit Kommuneqarfik Sermersooq 2019-ip aallartilaarnera tikillugu akiliisarpoq. 2018/19-imi kommune innuttaasut pineqaatissinneqarsimasut inissinneqarsimanerinit tunngasunik sulianik misissuisimavoq, taamanikkut sulianut taamaattunut tunngasut pinerluttulerinermi inatsit naapertorlugu peqqissaavimmit akisussaaffigineqarput. Tassunga atatillugu paasineqarpoq, Kalaallit Nunaanni pineqaatissiisutaasoq atorunnaarsinneqarsimasoq, taamaattumillu danskit kommunii taakkuusut akiliisussaataitaagunartut. Danksit kommuniinit tamanna akuerineqarsimarpasinnilaq, taamaattumillu suliaq Vestre Landsretimi aamma Højesteretimi ingerlanneqarsimalluni.

Højesteretimi suliaq

Højesteretimit suliakkiussummi pineqarluni:

- innuttaasut Danskitt pinerluuteqarsimasunik pineqaatissiseeriaasiat naapertorlugu Danmarkimi inissinneqarsimasut aningaasartuutitassaanut ilumut Kommuneqarfik Sermersooq akiliisussaataitanersoq
- Kommuneqarfik Sermersuup aningaasartuutigisimasai Lolland Kommune-mit aamma Randers Kommune-mit utertinneqassanersut

Højesteretimi eqqartuussisut 2024-mi januaarip 16-ianni nalunaarutigineqarpoq.

- Qallunaat eqqartuussissutaanni innuttaasut inissinneqarnerat Nuummi Eqqartuussiviup eqqartuussissutaanik tunngaveqarunnaarpoq
- Inatsisitigut innarlitsaalineqarneq pillugu inatsit (Retssikkerhedsloven) Kalaallit Nunaannut atuutinngilaq. Taamaattumik innuttaasut marluk danskitt pineqaatissisarnerat naapertorlugu inissinneqarnerinut Kommuneqarfik Sermersooq akiliisussanngortinneqarnissaanut inatsisitigut tunngavissaqanngilaq
- Kommuneqarfik Sermersuup akiligassarinnngisaanik oqartussaasuninngaanniit akiliisitsissutaasimasut utertinniarsinnaavai
- Kommuneqarfik Sermersuup akiliisarnermigut oqartussat kommuninut akiliisussaataitaasunut piumasaqaataat naammassisarsimavaa
- Kommuneqarfik Sermersuup Lolland Kommune-mut Randers Kommune-mullu akilertinniagaata annertunersaa Kofoedsmindenimiititsinermut Region Sjællandimiiit akilersinniarneqartumut tunngavoq, piviusorsioortumillu aningaasartalerneqarsimasooq
- Akiliisitsiniartuusoq, Region Sjælland, tamanna pillugu Lolland Kommune-mut aamma Randers Kommune-mut piumasaqarfiginnissimannngilaq, naak Kommuneqarfik Sermersuup sinnerlugillusooq akiliisimasutut isigineqarsinnaagaluartoq
- Tamanna pillugu Region Sjællandimut akiligassaritinneqartumut Kommuneqarfik Sermersuup akileeqqusissutaanut Lolland Kommune aamma Randers Kommune pinngitsuutinneqarput
- Randers Kommune Kommuneqarfik Sermersuumut 261.454 kr.-nik akiliissaaq, februaarip 10-at 2021-miit aallarnarlugu suliamik ingerlatsinermi erniat ilanngullugit. Suliamik ingerlatsinermi erniaq 68.107 kr.-nik annertussuseqarpoq
- Lolland Kommune Kommuneqarfik Sermersuumut 1.199.523 kr.-nik akiliissaaq, februaarip 10-at 2021-miit aallarnarlugu suliamik ingerlatsinermi erniat ilanngullugit. Suliamik ingerlatsinermi erniaq 306.988 kr.-nik annertussuseqarpoq

Ingerlatsivimmit aningaasatigut sulisoqarnikkullu naliliinerit

- Randers Kommune 329.561,31 kr.-nik akiliinikuuvoq
- Lolland Kommune 1.506.510,92 kr.-nik akiliinikuuvoq
- Kommunimut eqqartuussissuserisut eqqartuussissummi aalajangiunneqartoq tunngavigalugu Region Sjællandimut allaffigeqatigiinnermik ingerlatsisimapput, tassani pineqarluni Kommuneqarfik Sermersuup akilersimasai eqqartuussinerulli kingunerisaanik akiligassarisimannngisaralui utertinnissaanik piumasaqarluni. Tamatuma kingunerisaanik piffissaq imarisaalu eqqarsaatigalugit qanoq inerneqassanersoq maanna suli erseqqissumik oqaatigiuminaappoq

Kommunip Lollandimiiit Randersimiillu pisassareqqaaralui eqqartuussissummi aalajangiunneqartumiit annertunerujussuugaluarput, akiligassiissutigineqarsimasummi katillugit – 17,8 mio. kr.-t missaanniipput. Højesteretimi eqqartuussissutaasoq tunngavigalugu Kofoedsmindetitsineq kommuninut marluusunut akiligassanngortinniarneqarsinnaanngilaq. Danskitt kommunii peqatigiillutik innuttaasunik Kofoedsmindemiittoqartillugu aningaasartalersorpaat (innuttaasut amerlassusii aallaavigalugu piviusorsioortumik aningaasaliisarneq).

Tamanna tunngavigalugu akiligassalinnit marluusunit katillugu 16,3 mio. kr.-nit miss. 2023-mut naatsorsuutini isumakkeerinnittoqarpoq.

Region Sjællandimut piumasagaammut tunngasumik allakkiamik 2023-mut naatsorsuutini immikkoortumut pigisaasinnaasut-imut ilanngussisoqassaaq.

Suliffeqarfimmut Kiffartuussivimmit aningaasatigut naliliineq

Allanik oqaaseqaateqanngilaq.

Inatsisitigut tunngavissaq allakkallu tunngaviusumik uppersaatiillit

- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-meersoq

Siusinnerusukkut aalajangiinerit

Suliffeqarnermut Isumaginninnermullu Ataatsimiititap 18.04.24:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq 02.05.24:

Ilisimatitsissut tusaatissatut tiguneqarpoq.

Ilanngussat

1. Højesteretimi eqqartuussissutip nalunaarutigineqarnera, ulloq 16. januaari 2024-meersoq

Punkt 13: Kommunitut pilersaarummut tapiliussassatut 3E5-6 Nuuk Airport inaarutaasumik akuersissutigineqarnera

Beslutning

Inassuteqaat akuersissutigineqarpoq.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliussaq 3E5-6, Nuuk Airport



KOMMUNIMUT PILERSAARUMMUT TAPILIUSSAQ



SIUNNERSUUTIP
TUSARNIUTIGINEQARNERA

1. IISA
2. AIA

AKUERSISSUTIGINNINEQ

1. IISA
2. AIA
3. KB



Kommunimut pilersaarummut tapiliussassatut 3E5-6 Nuuk Airport inaarutaasumik akuersissutigineqarnera

Aalajangiiffigisassaq

SagsID.: EMN-2023-02349

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- kommunimut pilersaarummut tapiliussaq 3E5-6, Nuuk Airport akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3E5-6 Nuuk Airport matumuuna saqqummiunneqarpoq.

Kommunimut pilersaarummut tapiliussaq 3E5-6 Nuuk Airport siunnersuutitut sapaatit akunnerini arfineq pingasuni tamanut tusarniaassutigineqarpoq, piffissami 20.12.2023-miit - 14.02.2024-p tungaanut. Piffissami tusarniaaffiusumi tusarniaanermut akissuteqaatit arfinillit tiguneqarput, taakkulu oqaaseqatigiinnik aqqanilinnik allannguuteqartitsinermik kinguneqarput.

Tusarniaanermittaaq piffissap ingerlanerani ataatsimik oqaasertaatigut taamaallaat aaqqiissuteqartitsivoq.

Kommunimut pilersaarummut tapiliussaq suliarineqarpoq Nuummi nunanit allanit tikittarfissamik mittarfimmik ammaanermi mittarfeqarfimmik siunertamut naapertuuttumik ineriartortitsineq qulakkeerniarlugu. Immikkuualuttup iluani nunaminertat mittarfimmu attuumassuteqartunik inuussutissarsiutinut sullissinernullu atugassiaapput.

Kommunimut pilersaarummut tapiliussaq mittarfiup kangiata tungaani ujaqqueriviup pioreersup avammut isertitsiviup aqqaata Isertitsiviit tungaanut allilernissaanut pisariaqartitsinermik tunngaveqarpoq. Matumani pilersaarutitut tunngavik malillugu Aqisseqarajuup aqquserngata killinganut qaqqaq qaartinneqarsinnaassaaq, immikkoortumilu mittarfimmi akuersissutinik pigisaqartumut ineriartortitsivissatut immikkoortumut mittarfeqarfimmu ilanngunneqassalluni.

Matumani kommunimut pilersaarummut tapiliussami mittarfiup kujataani-kangisissuani immikkoortoq ujaqquerivimmu ineriartortitsivissatullu atugassiissutigineqassaaq. Inuussutissarsiuteqarfinnik atugassiisoqarnissaa siunertarlugu immikkoortoq una qaartiterinerup kingorna *3C9 Mittarfeqarfiup tungaani inuussutissarsiuteqarfimmu* ilanngullugu kattunneqarnissaa pilersaarutaavoq.

Kommunimut pilersaarummut tapiliussatigut immikkoortup ilaanut immikkoortup ilaata killeqarfia nutarterneqassaaq. Taamaalilluni immikkoortup ilaa sissaq sinerlugu killeqalissaaq, immikkoortullu atorneqanngitsut sissaq sinerlugu sanaartorfiunngitsutut nunaminertatut

atuutilersinneqassapput. Taamatuttaaq immikkoortup ilaata killinga, inuussutissarsiorfiup nutaap 3C9 Illerngit 2001-ip kangianut atatillugu, nutarterneqassaaq.

Kommunimut pilersaarummut tapiliussami mittarfiup avannaatungaani toqqorsiveqarfiusimasumi nunap isikkussaanut aalajangersakkat qulakkeerneqarput. Maannamiit immikkoortoq una sukisaarsaarfitut, sanaartorfioqqusaanngitsutut immikkoortutut atugassiissutigineqassaaq, pisuttuarterfilarlugu kiisalu qamuterallannut ujakkaartartunullu aqquteqalerluni. Tamatuma saniatigut mittarfimmit kujammut kimmut toqqorsiveqarfik nutaaq toqqarneqassaaq.

Matumani kommunimut pilersaarummut tapiliussamittaaq atortulersuutinut pisariaqartunut sanaartorfissanik toqqaasoqassaaq. Taakku sanaartorfissat Eqalugalissuit tasiata eqqaani erngup nukissiorfianut aamma Illerngit 2001-ip aamma Borgmesteri Anniitap Aqqusernata akornanni maanna sakkortusaaviup pioreersup eqqaani ajutoortoqartillugu nukissiorfimmu atugassiissutigineqassapput.

Tusarniaaneq tunngavigalugu allannguutit:

Immikkuualuttoq C-mut tunngatillugu qaartiterineq, sanaartorneq aamma suliassat allat mittarfiit atorneqarnissaannik piginnittunit akuersissutigineqassapput. Aammattaaq nassuiaatigineqartoq naapertorlugu immikkuualuttumi siunissami suliassat mittarfimmi silaannaap aalaruluttarneranut naleqqussarneqarsimassapput. Kingulliullugu taaneqartut immikkuualuttoq D-muttaaq atuutsinneqarpoq.

§20 imm. 2.5-imi aalajangersaanermut immikkoortoq toqqorsivimmu nunaminertap immikkuualuttoq F1-imiittup naanera ilanngunnarlugu aqqinneqarpoq mittarfiullu ingerlanneqarnera qulakkeernarlugu ilusilersorneqassalluni mittarfiullu atorneqarnissaannik piginnittunit akuersissutigineqassalluni.

§21 imm. 6.2-mi aalajangersakkanut immikkoortumi mittarfiup sivinganerisa naasunik naatitsiviunnginnissaanut iluarsillugu aqqinneqarpoq.

Illerngit 2001 aqutugalugu ikaartarfimmu aalajangersakkat ilanngussallu allanngortinneqassapput taamaalillutik kommunimut pilersaarummut tapiliussamut matumunnga Mittarfimmi inuussutissarsiuqarfimmu kommunimut pilersaarummut tapiliussamut 3C9-p akornanni naapertuuttunngorniassammata.

§20 imm. 2.5-mi immikkuualuttoq E1-imut aamma E2-mut aalajangersakkanut immikkoortumi inuussutissarsiuqarnermi mingutsitsineruut tunngasut immikkut akualugit ingerlatsisoqarsinnaaneranik periarfissaqartillugu allanngortinneqassaaq.

Suliffeqarfiit ingerlatsisut akimorlugit aqqusiorqarsinnaanera pinngitsoortinnarlugu, immikkuualuttoq F2-mi toqqorsivinnu aqutinik peqalernissaa ilanngussaq 4-mi allanngortinneqassaaq.

Aalajangersakkat innuttaasunut tikeraanullu innarluuteqartunut aqqutissaqartitsisunut tunngasut ilanngunneqassapput, matumani ikaartarfiup ilusilersornissaanut aalajangersakkat aamma tikittarfiup saavata ilusilersorneranut tunngasooq ilanngullugit.

Mittarfiit atorneqarnissaannik piginnittut aamma Kommuneqarfik Sermersuumi upalungaarsimasut ikuallattoqartillugu sungiusartarfissaannik sanaartornissamut sanaartorfissat ilanngussaq 2C-mi nutaami ilanngunneqassapput.

Matumani Kommunimut pilersaarummut tapiliussassatut siunnersuutip, 3E5-6 Nuuk Airport, akuersissutigineqarneratigut kommunimut pilersaarummut tapiliusseq 3E5-5 Nuuk Airport atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarut nr. 4, 25. januar 2024-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Illoqarfimmik Ineriartortitsinermut Sanaartornermullu Ataatsimiititaq, 09.04.24:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq 02.05.24:

Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliusseq 3E5-6, Nuuk Airport

Punkt 14: Kommunitut pilersaarummut tapiliussassatut 4A3-1 Ningitsivik Kujalleq akuersissutigineqarnera

Beslutning

Inassuteqaat akuersissutigineqarpoq.

Bilag


Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliussaq 4A3-1 Ningitsivik Kujalleq



KOMMUNEPLANTILLÆG



Kommunimut pilersaarummut tapiliussassatut 4A3-1 Ningitsivik Kujalleq akuersissutigineqarnera

Aalajangiiffigisassaq

SagsID.: EMN-2023-01301

Sanarfinermut Avatangiisinullu Ingerlatsivik - pisortaq Søren Pedersen / SSKP

Inassuteqaat

Aningaasaqarnermut Inuussutissarsionermullu Ataatsimiitap Kommunalbestyrelsimut inassuteqaatigaa:

- Kommunimut pilersaarummut tapiliussassatut siunnersuut 4A3-1 Ningitsivik Kujalleq akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussaq 4A3-1 Ningitsivik Kujalleq matumuuna saqqummiunneqarpoq. Kommunimut pilersaarummut tapiliussaq 4A3-1 Ningitsivik Kujalleq siunnersuutitut sapaatip-akunnerini arfineq-pingasuni, piffissami 20. decembari 2023 - 14. februaari 2024, tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit pingasut tiguneqarput, taakkunanilu ataaseq tusarniaanermut killissarititap kingorna tiguneqarluni sulialli suliarineqarnerani ilanngunneqarluni. Tamanna ataatsimik oqaaseqaammik aaqqiissuteqarnermik kinguneqarpoq, tassanilu seqernup qinngornerinik tigooraassutinut tunngasoq §21, 2 imm. 3 peerneqarpoq.

Immikkuualuttoq 4A3 Nuup illoqarfiata ilaata kangiatungaani Qinngutsinni inissisimavoq. Immikkoortoq ullumikkut qitiusoqarfittut atorneqarpoq. Kommunimut pilersaarummut tapiliussami matumani immikkoortup atorneqarnissaa inissiaqarfimmut allanngortinneqarpoq akuleriinnik inissialiorfissatut, uani pineqarput illut uiguleriaat kiisalu quleriit.

Matumani Kommunimut pilersaarummut tapiliussaq suliarineqarpoq sanaartornissamik qinnuteqaat Inissianik ineriartortitsinissamut siunnersuut Ningitsivik tunngavigalugu, ulloq 22. februaari 2022 kommunalbestyrelsimut inaarutaasumik akuerineqartoq.

Immikkuualuttut pingasut atugassiissutigineqarput. Immikkuualuttoq A akulikitsunik pukkitsunik inissianik sanaartorfissatut sisamat atugassiissutigineqarput, marlunnik quleriillit tikissinnaallugit. Immikkuualuttoq B-mi sanaartorfissat arfinillit quleriit sisamat tikillugit portussusilinnik inissialionissamut immikkoortitsisoqarput. Immikkoortup ilaa C sanaartorfiussanngilaq.

Pilersaarummut ilanngullugu immikkoortoq akimorlugu aqqusineqqanik pilersitsisoqassaaq kiisalu sissaq sinerlugu aqqusineqassalluni. Silami sukisaarsaartarfiit amerlanerusut pilersinneqassapputaaq, tassunga ilanngullugit pinnguartaarfiit, uninngaartaarfiit ilaallu ilanngullugit.

Kommunimut pilersaarummut tapiliussap 4A3-1 Ningitsivik Kujalleq matuma akuersissutigineqarnerani kommunimut pilersaarummut tapiliussaq 4C3-1 Ningitsivik (Meeqperivik) atorunnaassaaq.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussassatut siunnersuut una pilersaarummik piginnittumit suliarineqarpoq. Ingerlatsivimmit pitsaassutsimik qulakkeerinninneq, siunersiueqatigiinneq ilaallu ilanngullugit ukioq tamaat sulisup ataatsip sulineranik 1/10-nik naleqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaannik nalunaarut nr. 4, 25. januar 2024-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Illoqarfimmik Ineriartortitsinermut Sanaartornermullu Ataatsimiititaq, 09.04.24:
Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 02.05.24:
Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaqaq 4A3-1 Ningitsivik Kujalleq

Punkt 15: Piginnaatitsinermik atsiorsinnaatitaanernillu agguataarineq

Beslutning

Inassuteqaat akuersissutigineqarpoq.

Bilag

Kommuneqarfik Sermersuumi Piginnaatitsinermik agguataarinissamut pilersaarut marsi 2023-meersoq

Piginnaatitsinermik atsiorsinnaatitaanernillu agguataarineq

Piginnaatitsinermik agguataarinissamut atsiorsinnaatitaanermullu malittarisassanik nutarterineq

Aalajangiiffigisassaq

SagsID.: EMN-2023-01023

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- piginnaatitsinermik agguataarinissamut pilersaarut nutartigaq akuersissutigineqassasoq, matumani atsiorsinnaatitaanermut najoqqutassiaq nutartigaq ilanngullugu
- ilanngussami imm. 27 ataatsimiititami aalajangiiffiginissaa akuersissutigineqassasoq aamma tamanna pereerpat Kommunalbestyrelse ilisimatinneqassasoq kiisalu imm. 208 aamma 209 Kommunalbestyrelsimut ilisimatitsissutitut ingerlateqqinneqassasut

Suliassamik saqqummiussineq

Kommuneqarfik Sermersuumi Piginnaatitsinermik agguataarinermut pilersaarutip nutarterneqarnissaa pisariaqalersutut Suliffeqarfimmut Kiffartuussivimmup nalilerpaa.

Piginnaatitsinermik agguataarinissamut pilersaarummi takuneqarsinnaavoq, aalajangiisinaanermut piginnaatitsissutit Kommunalbestyrelsip, ataatsimiititat allaffeqarfiullu akornanni qanoq agguataarneqarsimanersut. Piginnaatitsinermik agguataarinissamut pilersaarummi ingerlatsivinni tamani qinikkanik sullissinerup assigiissarnissaata malinnaaffigilluarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaanerik nalornisoqarsinnaanera pinaveersaartinneqassalluni.

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, kiisalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Aqutsinermi lleqqoreqqusat naapertorlugit suliarineqarpoq.

Piginnaatitsinermik agguataarinissamut pilersaarut kingullermik nutarterneqarpoq 2022-mi februaarip qaammataani Kommunalbestyrelsip ataatsimiinnerani. Siunissami pisariaqartinneqalersillugu ukiup affakkaartumik misissuataarneqarlunilu nutarterneqartassaaq.

Allaffissornermi suleriaatsit sukaterneqarnissaa kissaatigineqarnikuvoq, aammalu politikerit allaffeqarfiullu akornanni piginnaatitsinermi qaffasissutsip eqqortuunissaa qulakkeerneqassasoq. Taamaattumik piginnaatitsinernik agguataarinissamik pilersaarut ingerlatsivinni suliarineqartarsimavoq. Piginnaatitsinermik agguataarinissamut pilersaarummut allannguutit ilanngussaq 1-imi takuneqarsinnaapput.

Tamatuma saniatigut allakkiaq *Atsiorsinnaatitaaneq* Piginnaatitsinermik agguataarinermut pilersaarummut ilanngullugu suliaavoq, taamaalilluni atsiorsinnaatitaanermut najoqqutassaq Piginnaatitaanermik agguataarinissamut pilersaarummi takuneqarsinnaassalluni, tassa immikkoornani.

Atsiorsinnaatitaanermut piginnaatitsinermik pilersaarummi nassuiaatigineqarpoq isumaqatigiissuteqarnermi atsiogatiginnermilu kikkut atsiorsinnaatitaanersut.

Atsiorsinnaatitaanermut piginnaatitsinermik pilersaarummi siunertarineqarpoq qulakkiissallugu, isumaqatigiissutit atsioqatigiissutillu, aningaasatigut aamma/imaluunniit inatsisitigut kommunimi

pituttorsimasut aqqissuussinermi qaffasissutsimi eqqortumi aalajangiiffigineqarsimanissaat isumaqatigiissuteqarfigisimanissaallu. Taamaalilluni allaffeqarfimmi paasilluarneqarniassamat, isumaqatigiissut atsioqatigiissullu qaqugukkut politikikkut suliarineqassanersoq, aammalu qaqugu aalajangiiffigineqassanersoq taavalu pisortamit fagchefimillu atsiorneqassanersoq. Atsiorsinnaatitaanermut piginnaatitsinermik pilersaarut aamma Piginnaatitsinermik agguataarinermut pilersaarut ataatsimoortinneqartillugit paatsoortoqaratarnissaanik annikillisaataassaaq sumullu attuumassuteqarneq paasiuminarnerulissaaq.

Ingerlatsivimmit aningaasatigut sulisoqarnikkullu naliliinerit

Allaffeqarfimmut malittarisassat nutaat qulakkeertariaqarpaat kommunimi missingersuutit atuinerullu ammanerunissaat, peqatigitillugulu pilersinneqassalluni aningaasaqarnerup pitsaanerumik malinnaaffigineqarnissaa aqunneqarnissaa - allaffissornikkut politikikkullu.

Suliffeqarfimmut Kiffartuussivimmit aningaasatigut naliliineq

Oqaaseqaateqartoqanngilaq.

Inatsisitigut tunngavissaq allakkallu tunngaviusumik uppersaatiillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumut piginnaatitsinermik agguataarinissamut pilersaarut

Siusinnerusukkat aalajangiinerit

Aningaasaqarnermut Inuussutissarsiornermullu Ataatsimiititaq 02.05.24:

Inassuteqaat akuersissutigineqarpoq, ima allannguutitalerlugu:

Imm. 27 ilanngussamiittoq ataatsimiititami aalajangiiffigineqassaaq, tamatumalu kingornagut Kommunalbestyrelse ilisimatinneqassaaq.

Imm. 208 aamma 209 Kommunalbestyrelsimut ilisimatitsissutitut ingerlateqqinneqassapput.

Ilanngussat

1. Kommuneqarfik Sermersuumi Piginnaatitsinermik agguataarinissamut pilersaarut marsi 2023-meersoq

Punkt 16: Pisiniarnermut Neqerooruteqartitsinermullu Politikki nutaaq

Beslutning

Inassuteqaat akuersissutigineqarpoq.

Bilag

Pisiniarnermut Neqerooruteqartitsinermullu Politikki nutaaq

Pisiniarnermut Neqerooruteqartitsinermullu Politikki nutaaq

Aalajangiiffigisassaaq

SagsID.: EMN-2023-04959

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Aningaasaqarnermut Inuussutissarsionermullu Ataatsimiitap Kommunalbestyrelsimut inassuteqaatigaa:

- Pisiniarnermut neqerooruteqartitsinermullu politikki nutaaq akuersissutigineqassasoq

Suliassamik saqqummiussineq

Kommuneqarfik Sermersuumi pisiniarnermut neqerooruteqartitsinermullu politikki maannakut atuuttoq 2015-imi akuersissutigineqarpoq, taassumalu nutarterneqarnissaa pisariaqalersimalluni. Pisiniarnermut inatsit allannguuteqarnikuuvoq, taamatullu pisortani pisinniartarnermi nungusaataangitsumik mingutsitsinngitsumillu pisinniartarnissaaq siunnerfigineqarnissaa pingaarutilerujussuanngornikuulluni aamma Sermersuumi pisiniartarnermi tamanna pingaartinneqarluinnarpoq. Pisiniarnermut politikki Sermersuumi piffissami 2023-miit 2027-mut sulinermi siunnerfiliissaaq. Kommune tamakkerlugu nioqqutissanik pisiniarnermi kiffartuussinermilu ataatsimut siunnerfissanik, maleruagassanik qitiutitassanillu aalajangersaanermi suli najoqqutarineqassaaq. Pisiniarnermi politikki kommunimi pisiniartarnermut aqqqissuussaannermut iluaqutissatut aamma atuutissaaq, pisiniartarnermilu atugassarititaasut, pisiniartarnermi pitsaasumik isumaqatigiissusiornissaaq, mingutsitsisuunngitsunik pisiniartarnissaaq, pitsaassuseq pisariissuserlu eqqarsaatigalugit kiisalu kommunimiit pisiniarnermi avatangiisit inuiaqatigiillu eqqarsaatigisarnissaat pillugit.

Peqatigitilluguttaaq nunap iluani avataanilu suleqatigisartakkat eqqarsaatigalugit pissutsit nutaat pillugit pisiniarnermi politikki nutarterneqassaaq, peqatigitillugulu ileqqorissaarnermi malittarisassat qitiutinneqarneruleramik. Tassunga atatillugu pilersuineramik isumaqatigiissuteqarfigisat tamarmik piuaaffigineqassapput malittarisassat taakku malittarisassatulli allatuut atsiorneqassasut, tassami tamanna kommunimi neqerooruteqartitsisarneq ilanngunneqartalissamat.

Sermersuumiit kissaatigineqarpoq, pisiniartarnermut tunngasut 2027 tikillugu sukumiisumik annertunerumillu sulissutigineqassasut:

1. Pisiniartarnermut aqqqissuussami pikkorinnerulernissaaq naammassiortuinerunissarlu ukkatarineqaannarnissaat
2. Avataaniit suleqatigisartakkat niuernermi oqaloqatigittarnerit suleqatigiittarnerillu pitsaanerulersinneqassasut
3. Akisussaassuseqarnerusumik nungusaataangitsumillu pisiniarnerq, tassunga ilaalluni nungusaataanginnerusumik atuinissamat allanngortiterineq
4. Nutaaliornermik aamma pisiniarfigisartakkanik suleqateqarnermik qitiutitsineq, Sermersuumi Inuussutissarsiortunik aqqqissuussaannikkut suleqatigiinneq kiisalu Sermersuumik mingutsitsinngitsunik nungusaataangitsunillu pisiniartarnermik ilinniarneq.
5. Najukkami niueqatigiittarnermik pitsanngorsaaneq aamma Pisiniartarnermut Neqerooruteqartitsinermullu Politikki najukkami niueqatigiittarnermik ukkassineq

Pisiniarnermut neqerooruteqartitsinermullu politikki nutaaq pillugu aalajangerneq sakkortuumik oqariartoreruvoq, Sermersuumi aamma pisiniartarnermi pitsaasumik nungusaataangitsumillu niuernikkut ineriartortitsinermi ilaatigut mingutsitsisuunngitsunik aqqiissutissarsionermi inuuniarnikkullu akisussaassuseqartumik siuarsaaqataanissamik pingaartitsisuunermik atuerusuttuunermillu.

Politikkip atuuffiani suli pingaartinneqarpoq, suliffeqarfiup iluani avataanilu suleqatigisartakkanik qanimut suleqateqarneq oqaloqateqartarnerlu, tassuunami politikikkut takorluukkanik piviusunngortitsinissamut iluaqutaassaaq.

Saqqummiussaq Sulisitsisunut tusarniaassutitut nassiunneqareerpoq oqaaseqarfigineqarnissaa siunnersuuteqarfiginissaalu siunertaralugit. Assigiilluinnartumik nalunaarutigineqarpoq, saqqummiussaq nutaaq Sulisitsisut tamakkiisumik akuersaarlugulu taperseraat.

Pisiniartarnermut neqerooruteqartitsinermullu politikkimut nutaamut atatillugu Pisiartarnermut politikki siulleq paasissutissallu tassunga tunngasut atorunnaarput.

Ingerlatsivimmit aningaasatigut sulisoqarnikkullu naliliinerit

Inassuteqaat aningaasaqarnikkut kinguneqassanngilaq. Pisiartarnermut tunngasunik anguniakkanik suliniutinillu ingerlatsivimmi suliaqarneq pisiartarnermut politikkimi eqqaaneqartutut ingerlatsivimmi maannakkut killiliussaasut iluini ingerlatsisoqassaaq.

Suliffeqarfimmut Kiffartuussivimmit aningaasatigut naliliineq

Oqaaseqaateqartitsisoqanngilaq.

Inatsisitigut tunngavissaq allakkallu tunngaviusumik uppersaasatillit

- Kommuneqarfik Sermersuumut piginnaatitsinermik agguataarinissamut pilersaarut
- Pisortat oqartussaaffigisaanni suliffeqarfiinilu nioqqutissanik kiffartuussinernillu pisiartarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juuni 2019-imeersoq

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq 02.05.24:

Inassuteqaat akuersissutigineqarpoq.

Ilanngussaq

1. Pisiartarnermut Neqerooruteqartitsinermullu Politikki nutaaq

Punkt 17: 2024-miit 2028-mut inoqarfiit mikinerit pillugit ineriartortitsinissamut periusissiorinissamut siunnersuut

Beslutning

Inassuteqaat akuersissutigineqarpoq.

Bilag

”Inuuneq pitsaasoq ataatsimoorullugu” – 2024-miit 2028-mut inoqarfiit mikinerit pillugit ineriartortitsinissamut periusissiorinissaq

Naaalisagaq - ”Inuuneq pitsaasoq ataatsimoorullugu” – 2024-miit 2028-mut inoqarfiit mikinerit pillugit ineriartortitsinissamut periusissiorinissaq



2024-miit 2028-mut inoqarfiit mikinerit pillugit ineriartortitsinissamut periusissiorinissamut siunnersuut

Aalajangiiffigisassaq

SagsID.: EMN-2024-01505

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- inoqarfiit mikinerit pillugit ineriartortitsinissamut periusissiorinissamut siunnersuut tamarmiusoq (ilanngussani 1-imi 2-milu itisilerneqarpoq) akuerineqassasoq
- ingerlatsiviup ineriartortitsinissamut periusissiaq 2024-mi aasap ingerlanerani tamanut tusarniutiginnissaa akuerineqassasoq
- ineriartortitsinissamut periusissiap atuutilersinneqarnissaanut suliap ingerlateqqinnissaanut pilersaarut akuersissutigineqassasoq
- suliaq piffissaq tusarniaaffiusoq qaangiuppat Inoqarfinnut Avatangiisinullu Ataatsimiititamut ingerlateqqinneqarnissaa akuersissutigineqassasoq, tamatumalu kingornagut Kommunalbestyrelsimut

Suliassamik saqqummiussineq

ineriartortitsinissamut periusissiaq "Inuuneq pitsaasoq ataatsimoorullugu" allaffeqarfiup, nunaqarfinni aqutsisut, innuttaasut aamma kommunalbestyrelsip akornanni oqaloqatigiittarnerit ingerlannerisigut suliarineqarpoq aamma kommunimi inoqarfiit arfineq pingasuusut tamaasa tamakkiisumik isiginnittumik ineriartortinneqarnissaat ukkataralugu.

Ineriartortitsinissamut periusissiami inoqarfiit minnerit pingasutigut pitsanngorsaavigineqarnissaat pingaarnertut sammeneqarpoq:

1. Inoqarfinni illutaat suliffeqarfittaalu tunngaviumik pitsaasunik atugassaqartitsiviusut
2. Inuttut piginnaasat periarfissallu
3. Inoqarfinnut tunngasutigut aaqqissuussineq suleqatigiinnerlu

Innuttatsinnut inuunerinnissamik, eqeersimaartumik imaqarluartumillu inuuneqarnissamik atugassaqartitsinissaq qulakkiissagutsigu illutatigut suliffeqarfinnilu tunngaviumik atugassarititaasut pitsaasuunissaat ineriartortitsiniarnermi pingaaruteqartuupput. Tamanna isumaqarpoq, inissiat, paaqqutarinnittarfiit illutaat, isertarfiit perusuersartarfeqarnerlu, umiarsualivimmi sannavinnilu pissutsit atuuttut kiisalu timersortarfiit katerisimaartarfiillu immikkut ukkanneqartariaqartut.

Periusissiami peqatigitilluguttaaq inuttut nukissaqassuseq, inoqarfinni eqqaanilu ataatsimoortarnerit suleqatigiittarnerillu inerisarneqassapput, tassani siunertaalluni kommunimi sulisut aamma innuttaasut pisinnaasaat, piginnaasaat sunniuteqarusussusiallu pitsanngorsarneqarnissaat. Sulinerup iluani avataanilu suliatigut kiffartuussinikkullu qaffassaasuusaaq aamma suliniutinik, suleqatigiinnernik pitsaasumillu inoqarfinni ataatsimoortarnermik qulakkeerinninnissamut iluaqutaassaaq.

Aammattaaq inoqarfinni minnerni eqqaanilu qanimut oqartussaaqataaneq nukittorsarneqassaaq. Taamaammat periusissiami ilaatigut nunaqarfinni aqutsisut ilisimasatigut aalajangisarnermilu piginnaasarissaanerulernissaat pingaartinneqarpoq aamma ilaatigut aalajangersimasanut iliuusissanut tunngatillugu politikkikkut aalajangikkat allaffissornermi pilertornerusumik



piviusungortinneqartarnissaat pingaartillugit anguniagaapput. Kingullertut taaneqartumut qulakkeerinninnissaq eqqarsaatiginerullugu aqutsilluarnissamut piginnaasassat aamma kommunip iluani sulisut, allaffissornikkut nunaqarfimmilu aqutsisut akornanni suleqatigiinneq aamma

minnerunngitsumik avataani suleqatigisartakkat ingerlatsinermik suliaqartartut aamma suliffeqarfiit inoqarfinni suliaqartartut eqqarsaatigalugit suliffeqarfimmi aqqissuussaansinnit piginnaasat ineriartortissavavut.

Taamaalilluni periusissiakku kissaatigineqarpoq, innuttaasut, qinikkatut allaffeqarfimmiillu nunaqarfinni pitsaasumik inuuneqalersitsinissamut ataatsimoorussamik akisussaaffeqarnissaq suliniuteqarnissarlu pingaartinneqassasoq killiliussaqaqtitsisoqassasorlu.

Takorluukkat anguniakkallu najugaqarfiit mikisut ineriartortinneranni

Ineriartortitsinissamut periusissiaq ataatsimut takorluukkat taakkunungalugu atatillugu anguniakkat anguniakkallu ilaannik tunngavilerlugu ilusiligaavoq, aamma matuma kinguliini taaneqartunik aallaaveqartillugu.

Takorluukkat

”inoqarfiit pitsaasunik illutallit, inuussutissarsiutitigut periarfissagissaartut inuttullu piginnaasat innuttaasut inuunerminni qanorluunniit atugaqaraluit najugaqarfinni mikisuni inuunerissaarnerannut akisussaqaqaanerannullu tapertaasut.”

Anguniagassat

Anguniakkat anguniakkallu ilaat, inoqarfinni innuttaasut pitsaasumik inuuneqarnissamut tassungalu atatillugu akisussaaffimmik tigusinissamut atugassaritinneqartunik periarfissatigullu tunngasut matuma kinguliini ukkatarineqartut tamarmik atuarneqarsinnaapput:

1. Inissiat kiffartuussiviillu ingerlalluartut
2. Meeraanermi inuussuttuunermilu inuunerinneq
3. Suliffigissaarneq kommunimilu sullissineq
4. Sunngiffimmi sammisassat pitsaasut ataatsimoorfiusullu
5. Iserfigiuminartut, perusuersartarfiit aamma eqqagassalerinerit pitsaasut
6. Qanimut oqartussaaqataaneq, suleqatigiinneq aamma iliuuseqarsinnaaneq
7. Assassornikkut sulisunik kajumilersitsineq atorluanaanerlu

Anguniakkat politikikkut ataatsimoorussamik takorluukkat pingaernerit aamma kommunimik ineriartortitsinissamut ukkatarisassat arfinillit kommunimi pilersaarusiornermut periusissiami 2023-meersumi allaaserineqartunut naapertuupput. Taamaalilluni ineriartortitsinissamut periusissiaq ima paasineqarsinnaalluni, nunap immikkoortuani sorlermiluunniit najugaqaraluaaraanni inuuffigiuminartumiinnissamik kommunimi takorluukkanut iluaqutaasussatut inoqarfinni minnerni ataatsimut najugarisamiluunniit sukumiisumik akissutitut ippoq.

Sulinerup ingerlariaqqinnera:

Piffissami aggersumi ineriartortitsinissamut periusissiamik atuutilersitsinissaq ukkatarineqassaaq. Atuutilersitsineq inoqarfinni minnerni nunaqarfinni aqutsisunik, innuttaasunik kiisalu suliffeqarfiit allallu ingerlatallit sinniisuunik qanimut peqataatitsinermik toqqammaveqassaaq.

Suliaq marlunnik qaffasissusilikkamik ingerlanneqassaaq, ukulu ukkatarineqassallutik:

1. Suliniutit, (qitiusumik) allaffissornermi piginnaasassanut aamma akisussaaffinnut tunngasut



2. Najukkami suliniutit, soorlu inoqarfinni nammineq nunaqarfinni aqutsisut, innuttaasut sulisullu nammineq piginnaasatik periarfissatillu atorlugit aallarnisaasinnaasut.

1-imut Suliniutit (qitiusumik) allaffissornermi akisussaaffigineqartut

Taakku suliniutissatut innersuussutaasunut attuumassuteqarluinnarput, ineriartortitsinissamut periusissiami itisilernerqarlutik, soorlu aamma ingerlatsiviit suliassaqaqarfiminni pingaarnertut

kiffartuussineri assigiinngitsutigut kalluarneqartut kiisalu aaqqissuussaaneerup sinnerani assigiinngitsunik suliassat akornanni aamma/imaluunniit kommunimi politikkerit suliniutitigut pingaarnersiunerat. Suliassat ingerlatsiviit aamma suliassaqaqarfinni pisortat suliassaqaqarfii aallaavigalugit agguataarneqartarput, suliniutillu tamakkerlugit ilaasussanik iliuusissamut pilersaarusiunneqartarlutik. Suliniutit toqqarneqarsimasut tamatuma kingornatigut aallartinneqassapput.

Atuutilersitsinissamik akisussaaffik suliassaqaqarfinni pisortat akisussaaffigaat, taamaalillunilu pisortaqtigiinniilluni - allaffeqarfik aamma nunaqarfinni aqutsisut tassani suleqatigineqassapput.

2-mut Najukkami suliniutit, inoqarfinni minnerni nammineerlutik aallarnisaanissamut piginnaasaqaqarfigisaat periarfissaqaqarfigisaallu

Suliniutit taakku sumiiffimmi pingaarnersiuneq aallaavigalugu ilusilernerqassapput inoqarfinnilu aalajangersimasumik suliniutinut naapertuutsinneqassallutik, tassa nunaqarfinni aqutsisut innuttaasullu namminneerlutik piginnaasaat periarfissaallu aallaavigalugit aallartisarsinnaasaat. Nunaqarfinni aqutsisut allaffeqarfimmiit ikiorneqassapput, tassa inoqarfinni tamani aallartisarneerup peqataatitsinerullu ingerlanneqarneri eqqarsaatigalugit. Nunaqarfinni aqutsisut aallartisaanermi akisussaaffeqassapput, suliamillu nangitsinermi allaffeqarfik ikiuutilattaassalluni.

Piffissaliussaq (2024):

Aprili – maaji: Suliniutinut iliuusissamik pilersaarutit allaffissornermut attuumassuteqartut suliarineqassapput. Suliniutit toqqarneqarsimasut tamatuma kingornatigut aallartinneqassapput.

Juuni: Inoqarfinni mikinerni/nunaqarfinni aqutsisunik isumasioqatigiisitsineq. Nunaqarfinni aqutsisut ineriartortitsinissamut periusissiamik atuutsitsilernissamut peqataatinneqassapput.

Aasaq: ineriartortitsinissamut periusissatut siunnersuutip tamanut tusarniutigineqarnissaa kiisalu kaajallaaneq aamma inoqarfinni minnerni tamani innuttaasunik, allaffeqarfimmik, nunaqarfinni aqutsisunik sumiiffimmi innuttaasunik sulisunillu peqataatitsineq. Ukkatarineqartussaq tassaassaaq najukkami suliniutinik inerisaanissaq, inoqarfinni minnerusuni nammineq piginnaasatik periarfissatillu aallaavigalugit aallartisarneeranni.

Novembari: Ineriartortitsinissamut periusissiap inaarutaasumik akuerineqarnera Tassunga ilaalluni inoqarfinni minnerni ineriartortitsinissamut periusissiap atuutilersinneqarnerani ukiumut siullermut Kommunalbestyrelsip killiffissiornissaa.

Ingerlatsivimmit aningaasatigut sulisoqarnikkullu naliliinerit

Anuniakkat suliniutillu innersuussutigineqartut aningaasat atorsinnaasat iluini matussuserneqarsinnaassapput, missingersuutaareersullu iluini matussuserneqarnissaannut piviusorsortutut nalilernerqarsimassallutik. Tassunga tunngatillugu anguniagassat piviusunngortinneqarnissaannut aaqqiissutissat suliniutillu aalajangersimasut pisariaqartinneqartutut allaffeqarfimmit nalilernerqartut apeqqutaatillugu aningaasaliinerunissaq pisariaqalersinnaavoq. Suliffeqaqarfimmut Kiffartuussivik ingerlatsivik attuumassuteqartoq suleqatigalugu pisariaqartinneqalissappat politikikkut aalajangiiffigisassamik immikkut missiliuusiussaaq.



Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatillit

- Inuit Ataqaatigiit Demokratillu akornanni suleqatigiinnissamik isumaqatigiissut
- 2023-mi aamma 2024-mi missingersuutit pillugit isumaqatigiissut
- Kommuneqarfik Sermersuumut pilersarusiornermut periusissiaq 2023

Siusinnerusukkut aalajangernerit

Aningaasaqarnermut Inuussutissarsiornermullu Ataatsimiititaq 02.05.24:

Inassuteqaat akuersissutigineqarpoq, ima oqaasertalerlugu:

Suliaq Inoqarfinnut Avatangiisinullu Ataatsimiititamut ingerlateqqinneqarpoq, tamatumalu kingornagut Kommunalbestyrelsimut.

Ilanngussat

1. "Inuuneq pitsaasoq ataatsimoorullugu" – 2024-miit 2028-mut inoqarfiit mikinerit pillugit ineriartortitsinissamut periusissiorinissaq
2. Naalisagaq - "Inuuneq pitsaasoq ataatsimoorullugu" – 2024-miit 2028-mut inoqarfiit mikinerit pillugit ineriartortitsinissamut periusissiorinissaq

Punkt 18: Inuusuttut Kommunalbestyrelsiata Kommunalbestyrelsimut inassuteqaatai 2023-2024

Beslutning

Inassuteqaat akuersissutigineqarpoq.

Bilag

Qinigassanngortittut suliniutaat

Pilersaarusiornermi periusissaq 2023

Ulluni ataatsimiiffinni 65-inik inassuteqaasiortoqarpoq

Inuusuttut Kommunalbestyrelsiata Kommunalbestyrelsimut inassuteqaatai

Suliassamik saqqummiussineq Inuusuttut Kommunalbestyrelsianut najoqqutassatut nutaatut siunnersuut

Pilersaarut

Peqataasut allattorsimaffiat

Inuusuttut Kommunalbestyrelsiata Kommunalbestyrelsimut inassuteqaatai 2023-2024

Aalajangiiffigisassaq

SagsID.: EMN-2023-02418

Suliffeqarfimmud Kiffartuussivik – kommunaldirektøri Ole Jakobsen / OJAK

Inassuteqaat

Aningaasaqarnermut Inuusutissarsionermullu Ataatsimiititap Kommunalbestyrelsimut inassuteqaatigaa:

- inassuteqaatit sisamat toqqarneqarsimasut Kommunalbestyrelsimi oqaluuserineqarnissaannik siunertaqartumik misissueqqaarnissaq pillugu ingerlatsivinnut attuumassuteqartunut ingerlateqqinneqassasut

Suliassamik saqqummiussineq

Maannakkut INUUSUKOMBEST-iusoq ukiuni marlunni atuuttussaalluni 2023-mi ukiakkut qinigaavoq. Kommuneqarfik Sermersuumi atuarfiit 14-it tamarmik peqataatitaqarput, atuarfinit ataasiakkaannit tamanit 7. klassiniit 9. klassinut atuartut marluk ataaserluunniit inuusuttunut kommunalbestyrelsimut qinigaasarlutik. Taakkunannga INUUSUKOMBESTIMUT 72-it qinigassangortippud, namminerisamik suliniutitik tunngavigalugit, innersuussutigalugu ilanngussaq 1.

INUUSUKOMBESTinngorlaaq suillermeerluni ukiumoortumik ataatsimiinneq 2024-mi februaarip ulluisa 13-ianni, 15-ianni 16-iannilu ingerlanneqarpoq. Ukiumoortumik ataatsimiinnermi meeqqanut inuusuttunullu attuumassuteqarnerusut pingaarnertut qulequtarineqarput "Najugaqarfigissallugu pitsaasoq" innersuussutigalugu ilanngussaq 2 aamma qulequtaq nammineq toqqagaq.

Ukiumoortumik ataatsimiinneq kommunalbestyrelsip ataatsimiittarfiani ingerlanneqarpoq, atuartut Paamiuneersut, Kulusummeersut, Isertumeersut, Kuummiineersut, Tasiilameersut, Nuummeersut qanimut peqataallutik, Qeqertarsuatsiaaneersulli kiisalu Tiilerilaamiit, Ittoqqortoormiini najukkaminniiginnarlutik suliakkerneqartarput. Tamanna kinguaattoortoqarnerani aallajaartoqarneranillu patsiseqarpoq. Aammattaq pilersaarutitik allannguisoqartariaqartarlunilu ullunut ataatsimiiffiusunut naleqqussaasoqartarpoq.

65-inik kommunalbestyrelsimut inassuteqaasiortoqarpoq, ilanngussaq 3 innersuussutigalugu, taakkulu meeqqanut inuusuttunullu tunngasunik qulequttanut aamma qulequttanut nammineq toqqakkanut agguataarneqarsimappud.

Inassuteqaasianut tamanut suliamik ilisimasalimmik sulisumik saaffigineqariaannaasumik sillimasoqarpoq, tassuuna qulakkeerniarlugu inassuteqaatigineqartoq Kommuneqarfik Sermersuup susassaqarfianut tunngasuutinneqarnissaa. Tamat oqartussaaqataa nerlutit tunngasumik ingerlatseriaaseq kiisalu Kommuneqarfik Sermersuumi suliniutinik iliuusissanillu sulineq qanoq ingerlasarnerisooq pillugit paasisimasaqarnerulernissaat pingaaruteqarpoq. Tassungalu ilanngullugu Pisortaqtigii allatseqarfiannit innersuussutigineqarpoq, inassuteqaatit toqqarneqarsimasut immikkut ingerlanneqarlutillu misissorneqassasut, taamaalillutillu suliamik saqqummiussaliunneqarlutik. Taamaalilluni INUUSUKOMBEST suliap tamakkiisumik ingerlanneqartarnerannut tunngasumik kiisalu inaarutaasumik aalajangiisoqarnissaanut suliap qanoq ingerlanneqartarnerisut pillugit paasisimasaqarnerulissaaq.

Ilanngussaq 4 innersuussutigalugit ullut ataatsimiiffiusut INUUSUKOMBEST-imi ilaasortanit pingaarnersiunerimik sisamanik innersuussaqaarnerimik kinguneqarpoq, tassaasut

Nr.	Meeqqanut inuusuttunullu sammisat	Inassuteqaatit taaguunneqarnerpaat	Inassuteqaat ingerlateqqinneqarpoq, suliap ingerlateqqinneqarnissaanut misissueqqaarnermut ullunik 100-nik annerpaamik sivirususeqarluni
1	Meeqqat inuusuttullu pitsaasumik inuuneqarnissaat, pimmatiginninneq ukkataralugu	Ikinngutigilerlaanut nutaanut naapiffiusinnaasut – Sulisunik piginnaangorsaqqiineq	Meeqqanut Atuarfeqarnermullu Ingerlatsivik
2	Ataatsimoorfiit pitsaasut, ineriartortitsiviusumik pinaveersaartitsinermik ukkatarinniffiusut	Pinngortitami sammisaqatigiinnissamut naapeqatigiiffik – Pinerlunniartarnermik pitsaaliuinissamut isumaginninnissamullu naapeqatigiiffik, pitsaaliuinissamut pilersitsineq silami sammisaqartitsinermik ilalik. Pinerlunniartarnermik pitsaaliuineramik siunertaqartoq.	Meeqqanut Atuarfinnullu Ingerlatsiviup aamma Meeqqanut Ilaqutariinnullu ingerlatsiviup akornanni suleqatigiinneq
3	Sunngiffimmi inuuneq pitsaasoq	Sunngiffimmi ornittagaq nutaaq - Qeqertarsuatsiaani sunngiffimmi ornittagaq nutaaq.	Meeqqanut Atuarfinnullu Ingerlatsiviup aamma Sanaartornermut Avatangiisinullu ingerlatsiviup akornanni suleqatigiinneq
4	Qulequtaq nammineq toqqagaq	Inuusuttunut atuarfimmik pitsanngorsaaneq - 7. klassimit 10. klassimut nalunaaqutaq qulingiluanut atuariartortoqartalissaaq.	Meeqqanut Atuarfeqarnermullu Ingerlatsivik

Qinigaaffiup naggataani qinigaaffik pillugu nalunaarusiortoqassaaq, kommunip nittartagaani atuarneqarsinnaassaaq aamma kommunalbestyrelsimut ilisimatitsissutitut ingerlateqqinneqassalluni, ilanngussaaq 5 innersuussutigalugu

Ingerlatsivimmit aningaasatigut sulisoqarnikkullu naliliinerit

Inassuteqaasianik tamanik misissuineq aningaasatigut sulisoqarnikkullu kinguneqassanngitsoq Suliffeqarfimmut Kiffartuussivimmit nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommunalbestyrelsip Inuusukombestimik pilersitsinissamik aalajangenera

Siusinnerusukkat aalajangiinerit

Aningaasaqarnermut Inuusutissarsiornermullu Ataatsimiititaq 02.05.24:

Inassuteqaat akuersissutigineqarpoq.

Ilanngussat

1. Qinigassanngortittut suliniutaat
2. Pilersarusiornermi periusissaq 2023
3. Ulluni ataatsimiiffinni 65-inik inassuteqaasiortoqarpoq
4. Inuusuttut Kommunalbestyrelsiata Kommunalbestyrelsimut inassuteqaatai
5. Suliassamik saqqummiussineq Inuusuttut Kommunalbestyrelsianut najoqqutassatut nutaatut siunnersuut
6. Pilersaarut
7. Peqataasut allattorsimaffiat

Punkt 19: Katersugaasivik Nuutoqqamut ileqqoreqqusat

Beslutning

Inassuteqaat akuersissutigineqarpoq.

Bilag

Katersugaasivik Nuutoqqamut ileqqoreqqusat

Katersugaasivik Nuutoqqamut ileqqoreqqusat

Aalajangiiffigisassaq

SagsID.:EMN-2024-00959

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuusutissarsionermullu Ataatsimiititap Kommunalbestyrelsimut inassuteqaatigaa:

- Nuutoqqamut ileqqoreqqusat akuersissutigineqassasut

Suliassamik saqqummiussineq

2022-mi novembarip arfineq pingajuani Kommunalbestyrelsimut Katersugaasivik Nuutoqqaq katersugaasivittut akuerineqarnissaanut qinnuteqarnissaa akuersissutigineqarpoq.

Katersugaasivik akuerisaq katersugaasiveqarneq pillugu inatsimmut ilaatinneqarpoq, taamaalillunilu inatsimmi pitsaassutsimut piumasaqaataasut katersugaasivimmit malinneqarnissaanut qulakkeerinnittuuvoq. Saniatigullu Kalaallit Nunaata kulturikkut kingornussarsiaat qulakkeerneqassapput kiisalu Kalaallit Nunaata iluani avataanullu katersugaasiveqarnikkut sulineq suleqatigiinnerlu qulakkeerneqassallutik.

Katersugaasivik akuerisanngortinneqarnissaanut pingaaruteqarluinnartut ilagaat, katersugaasivimmut ileqqoreqqusat Kommunalbestyrelsimut akuerineqartussaammata. Ileqqoreqqusat katersugaasiveqarneq pillugu inatsimmut atuuttumut Katersugaasiveqarnermullu Ataatsimiititaliap malittarisassaanut naleqqussarneqarsimapput aammalu Nuutoqqaq Katersugaasivimmut naleqqussarneqarsimallutik.

Ileqqoreqqusani pingaarnert eqikkakkat:

§1 Ateq siunertarlu	Katersugaasiviup aqqa tassaavoq Katersugaasivik Nuutoqqaq / Nuuk Lokalmuseum. Katersugaasiviup siunertaa tassaavoq katersugaasiviup susassaqarfanut tunngatillugu kulturikkut kingornussat tigussaasunnik tigussaangitsunillu katersinissaq, nalunaarsuinissaq, atatitsinissaq, ilisimatuutut misissuinissaq, ineriartortitsisussaq ingerlatitseqqiisartussarlu.
§ 2 Atuuffik suleqatigiinnerlu	Katersugaasiviup ingerlatsivia tassaavoq Nuup illoqarfia eqqaalu. Pingaarnertut 1950-imiit ilisimasat ingerlateqqinneqartarput. Katersugaasivimmit Nunatsinni nunanilu tamalaani suleqatigiinnissamut piumasaqaatit malinneqarput.
§ 3 Illut	Katersugaasivimmit B-234 (Amutsivitoqqaq) aamma B-843 (Niels Lyngep Illua) atugaraat.
§ 4 Ammasarfiit isernissamullu piumasaqaatit	Ammasarfiit katersugaasiviup sulisoqarneranut aningaasaqarneranullu naapertuutissapput. Ilinniartunut, meeqqerivinnut meeqqanullu 16-it tikillugit ukiulinnut iserneq akeqangilaq.
§ 5 Katersugaasiviup siulersuisui	Siulersuisut 5 - 7-inik ilaasortaqassaaq, taakkunanngalu ilaasortaq ataaseq kommunalbestyrelsimut toqqarneqartassaaq sinnerilu katersugaasiviup pisortaanit toqqarneqarlutik.
§6 Katersugaasivimmi pisortaq	Katersugaasiviup pisortaa suliatigut piginnaasaqassaaq aamma katersugaasiveqarnermi suliatigut katersugaasiveqarnermut

	aalajangiisartunut aamma katersugaasiviup siulersuisuinut akisussaasuvoq. Katersugaasivimmi pisortaq aaqqissuussaannermut pilersaarut atuuttoq naapertorlugu ingerlatsivimmut pineqartumut akisussaasuvoq aningaasaqarnermullu akisussaasuulluni.
§ 7 Aningaasaqarneq	Katersugaasiviup missingersuutaani pisortat tapiissuteqartarnerat tunngaviuneruvoq, katersugaasivilli ataavartumik aningaasaateqarfinnut aningaasanik qinnuteqarsinnaavoq.
§ 8 Ileqqoreqqusat	Ileqqoreqqusat kommunalbestyrelsimit akuerineqartarput.
§ 9 Atorunnaarsitsineq	Nunatta Katersugaasiviata Allagaateqarfiatalu katersugaasivik atorunnaarpat katersugaatai qanoq pineqassanersut aalajangissavaat.
§ 10 Atuutsilersitsineq	Ileqqoreqqusat kommunalbestyrelsimit akuerineqareerpata atuutilissapput.

Ingerlatsivimmit aningaasatigut sulisoqarnikkullu naliliinerit

Suliaq aningaasaliissutitigut kinguneqaateqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Katersugaasiveqarneq pillugu Inatsisartut inatsisaat nr. 8, 3. juni 2015-imeersoq

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq 02.05.24:

Inassuteqaat akuersissutigineqarpoq.

Ilanngussat

1. Katersugaasivik Nuutoqqamut ileqqoreqqusat

Punkt 20: Inuit innarluutillit pillugit politikki 2024-2028

Beslutning

Mala Høy Kûko (S) nal. 10:15 ataatsimiinnermi peqataajunnaarpoq.

Inassuteqaat akuersissutigineqarpoq.

Bilag

Inuit innarluutillit pillugit politikki 2024-2028

Tamanut tusarniaanermi malitseqartitsineq

Tilioq-mit tusarniaanermi akissuteqaat

NIIK-mit tusarniaanermi akissuteqaat

Inuit innarluutillit pillugit Siunnersuisooqatigiinni siulittaasumit tusarniaanermi akissuteqaat

Inuit innarluutillit pillugit Siunnersuisooqatigiinnit tusarniaanermi akissuteqaat

Innuttaasut Inuit innarluutillit pillugit suliasaqarfik pillugu isumaat

Inuit innarluutillit pillugit politikki 2024-2028

Aalajangiiffigisassaq

SagsID.: EMN-2022-09426

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Aningaasaqarnermut Inuussutissarsiornermullu Ataatsimiitap Kommunalbestyrelsimut inassuteqaatigaa:

- inuit innarluutillit pillugit politikki akuerineqassasoq

Suliassamik saqqummiussineq

Kommunalbestyrelse 2023-mut missingersuutinik isumaqatigiissuteqarnerminni aalajangerpoq "inuit innarluutillit pillugit politikki atuuttoq misissorneqassasoq nutaamillu najoqqutassiuuneqassasoq", taannalu ukiut siuliini politikikkut pingaarnersiunermit ingerlateqqinneqartuuvoq.

Inuit innarluutillit pillugit politikki suliassaqarfimmi ukiuni sisamani tulliuttuni pingaarnertut aqutissiuussisaaq. Politikkami anguniarneqarpoq, kommune kikkunnulluunniit najugarissallugu inuuffigissallugulu pitsaasuussasoq, toqqissisimanartoq pissarsiaqarfiusorlu. Innuttaasut inuit innarluutillit allat naligalugit inuunermik sammisaqarfiusumik, naleqartumik aamma nammineerluni inuuffigisamik periarfissaqassapput. Politikkami inuunermi pissutsit pingaarnert tallimat ukkatarineqarput:

- Meeqqat inuusuttullu inuunerat
- Ulluinnarni inuuneq
- Sunngiffimmi inuuneq
- Ilinniarnermi inuussutissarsiornermilu inuuneq
- Inuunermi ikaarsaarnert

Suliamik ingerlatsineq

Suliffeqarnermut Isumaginninnermullu Ingerlatsiviup inuit innarluutillit pillugit politikkimut atuuttumut aallarnisaataasumik misissuineq 2022-mi suliaq aallartippaa. Tassani paasineqarpoq inuit innarluutillit pillugit politikkip nutarterneqarnera annertussasoq, ilaatigut Isaaffimmik ataasiinnarmik tunngavimmik ilanngussineq aamma Inuit innarluutillit tapersorsorneqarnissaannut Inatsisartut inatsisaanni nutaamut 2020-mi naleqqussaaneq.

Inuit Innarluutillit pillugit Siunnersuisooqatigiinni, Suliffeqarnermik Isumaginninnermillu ataatsimiititaq peqatigalugu Tasiilami, Paamiuni Nuummilu immikkut sammisaqarnermi innuttaasunillu ataatsimiititsineri 2023-p ingerlanerani eqqartuisoqarpoq. Innuttaasunik ataatsimiititsinerit nangillugit suliarineqarneranni innuttaasut inunnut innarluutilinnut suliassaqarfimmut tunngasunik isiginninnerat nalunaarusiarineqarpoq (ilanngussaq 7).

Inuit innarluutillit pillugit politikki tamanut tusarniaassutissanngorlugu 13. decembari 2023 nassiuneqarpoq, tak. Suliffeqarnermut Isumaginninnermullu ataatsimiititap ataatsimiinnerani 5. decembari 2023-mi aalajangiinera. Peqatigitillugu kommunip iluani ingerlatsivinni tusarniaaneq ingerlanneqarpoq. Ingerlatsiviup tusarniaanermi akissuteqaatit katillugit arfineq-marluk tiguai (ilanngussaq 3 - 6).

Tusarniaanermi oqaaseqaatit kingusinnerusukkut politikimi suliarineqarlutillu ilanngunneqarput (ilanngussaq 2). Sumiiffimmi tusarniaanermi akissuteqaatit ilanngunneqanngillat kisianni ilanngussaq 2-mi tamanut tusarniaanermi malitseqartitsinermit ilanngunneqarput.

Ingerlariaqqinnissaq

Inuit innarluutillit pillugit politikki akuerineqassappat Inuit innarluutillit pillugit immikkoortumut pilersaarummik suliarinnittussanik pilersitsisoqassaaq, politikkip takorluugaanik anguniagaanillu atuutilersitsisussamik. Immikkoortumut pilersaarutip suliarineqarnera ilaatigut innuttaasunik ataatsimiititsinermit siunnersuutit isummersuutillu atorneqarsinnaasut aallaavigneqassapput tamanullu tusarniaanermik malitseqartinneqassalluni.

Inuit innarluutillit pillugit politikki ukiut sisamat qaangiuppata nutarterneqassaaq tak. Inuit innarluutillit tapersorsorneqarnissaannut Inatsisartut inatsisaanni § 70 Imm. 4. Tamanna kommunimi inunnut innarluutilinnut suliaasaqarfimmumut aamma inunnik innarluutilinnik paasinnittaatsimut ingerlaavartumik ineriartortitsinermit tunngavilersuutinut ilaassaaq.

Inuit innarluutillit pillugit politikki grafikerimik suliarineqaleruttorpoq, naammassinissaalu sap. Akunn. 17-imi naatsorsuutigineqarluni.

Ingerlatsivimmit aningaasatigut sulisoqarnikkullu naliliinerit

Inuit innarluutillit pillugit politikkip nutarterneqarnera aningaasaqarnikkut imaluunniit nukissatigut kinguneqarnaviangilaq.

Suliffeqarfimmumut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataillit

- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq
- Kommuneqarfik Sermersuumi 2023-mut missingersuutit isumaqatiginninniutigineqarnerat

Siusinnerusukkut aalajangiinerit

Suliffeqarnermut Isumaginninnermullu Ataatsimiititap 18.04.24:

Inassuteqaat akuerineqarpoq, imatut oqaaseqaatitalerlugu: Suliap ingerlariaqqinnissaa kommunimit tamarmit kivinneqarnissaa kissaatigineqarpoq, Suliffeqarnermut Isumaginninnermullu Ingerlatsivik kisimi pinnani.

Aningaasaqarnermut Inuussutissarsiornermullu Ataatsimiititaq, 02.05.24:

Inassuteqaat akuersissutigineqarpoq.

Ilanngussat

1. Inuit innarluutillit pillugit politikki 2024-2028
2. Tamanut tusarniaanermi malitseqartitsineq
3. Tilioq-mit tusarniaanermi akissuteqaat
4. NIIK-mit tusarniaanermi akissuteqaat
5. Inuit innarluutillit pillugit Siunnersuisooqatigiinni siulittaasumit tusarniaanermi akissuteqaat
6. Inuit innarluutillit pillugit Siunnersuisooqatigiinnit tusarniaanermi akissuteqaat
7. Innuttaasut Inuit innarluutillit pillugit suliaasaqarfik pillugu isumaat

Punkt 21: Angallat annanniut pillugu siunnersuut

Beslutning

Siunnersuut tamatut isikkoqartillugu akuerineqanngilaq, taamaakkaluartoq kommunip ataani upalungaarsimarnermi suut pisariaqariaqartinneqartut misissorneqarnissaat siunertaralugu Sanarfinermut Avatangiisinullu Ingerlatsivimummut aamma Ataatsimiititamut susassaqartumut ingerlateqqinneqarpoq.

Angallat annanniut pillugu siunnersuut

Kommunalbestyrelsimut ilaasortaq Storm Ludvigsenip Kommunalbestyrelsimut siunnersuutaa

Aalajangiiffigisassaq

SagsID.: EMN-2024-01037

Inassuteqaat

Kommunalbestyrelsimi ilaasortamit Storm Ludvigsenimit Kommunalbestyrelsimut inassuteqaatigineqarpoq:

- siunnersuut Kommunalbestyrelsimi oqallisigineqassasoq suliallu ingerlateriaqqinnissaa aalajangiiffigineqassasoq

Suliassamik saqqummiussineq

Kommunalbestyrelsimut ilaasortap Storm Ludvigsenip Kommunalbestyrelsimut aalajangigassanngorlugu siunnersuut februaarip 28-anni 2024-mi nassiuppa. Storm Ludvigsenimit kissaatigineqarpoq angallat annanniut Kommunalbestyrelsimi oqaluuserineqassasoq.

Tunngavilersuut:

”Nuuk angallannikkut annertuupilussuarmik inerikkiartorfiuvoq, ilaatigut inuit angammik sungiussisimangitsut arlaqarlutik.

Nuummi qatserisartut atsaat taamak pisariaqartigisumik angallammik annaassiniutaasinnaasumik qatserisartunullu isumannaatsumik peqartariaqalerput. Angallatit annanniutit isumannaatsuupput annaassiniutitullu akuerisaallutik imarsiuutikkuminartuupput, sukkasuumik isumannaatsumillu pilertortumik pisoqarfimmut apuutipallassinnaasut. Angallammik pissarsisoqarpat immikkut aaliangersimasumik tulaffeqartinneqassapput pinartoqartillugu sukkasuumik avalapallassinnaaqqullugit. Angallatit taamaattut qatserisartunik ikiupallattussanik ingerlatsisinnaapput isumannaatsumillu ukiukkut oqqiffissaqartassallutik, tamanna pingaaruteqaqaaq maani Nuummi aasakkut ukiukkullu.”

Siunnersuut qanoq aningaasaliiffigineqassava?

Misissugassaq immaqalu alakkarterneqarsinnaalluni, tuniniaasuinut.

Inatsisitigut tunngavissaq allakkallu tunngaviumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimut ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutini saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussat

Soqanngilaq.

Punkt T: Oqaluuserisassanut tapiliusseq: Puisit amiinik Tasiilami garvereqalernissaq pillugu siunnersuut

Beslutning

Siunnersuut akuersissutigineqarpoq, imatullu ilassuteqatitalerlugu kommuni tamaat isigalugu ammit pillugit periusissioernissaq siunertaralugu Meeqqanut Atuarfeqarfimmullu Ingerlatsivimmut aamma Suliffeqarfimmut Kiffartuussivimmut naggataagullu Ataatsimiititanut susassaqartunut ingerlateqqinneqarpoq.

Puisit amiinik Tasiilami garvereqalernissaq pillugu siunnersuut

Kommunalbestyrelsimi ilaasortap Laura Táunâjik Uitsatikitsup (S) Kommunalbestyrelsimut siunnersuutaa

Aalajangiiffigisassaq

SagsID.: EMN-2024-00600

Inassuteqaat

Kommunalbestyrelsimut ilaasortap Laura Táunâjik Uitsatikitsup (S) Kommunalbestyrelsimut inassuteqaatigaa:

- siunnersuut Kommunalbestyrelsimi oqallisigineqassasoq suliallu ingerlateqqinnissaa aalajangiiffigineqassasoq

Suliassamik saqqummiussineq

Kommunalbestyrelsimi ilaasortap Laura Táunâjik Uitsatikitsup (S), februaarip tallimaani, 2024 aalajangiussassatut siunnersuummik Kommunalbestyrelsimut nassiusaqarpoq. Laura Táunâjik Uitsatikitsup (S) puisit amiinik Tasiilami garvereqalernissaq pillugu periarfissaq Kommunalbestyrelsimi oqaluuserineqassasoq kissaatigaa.

Tunngavilersuut:

"Tasiilami "Qeerpi" nutaajusorujussuuvoq, taamaattorli suliassaaleqisarsimangillat tunisassiorsinnaanissamat. Qeerpimmi sulisut aalaakkaasuupput, amminilli amigaattoortarneq peqqutaalluni suliassaaleqineq misigineqallattaasarsimavoq. Naak Tasiilap avataaniit allaat piomasoqallattaasaraluartoq tunisassiarineqarsinnaasut nammaqqajartarsimangillat. Sulisulli oqartiartuutigaat puisit amii Tasiilami piniartunit toqqaannaq tunniunneqarlutik garvereqartuuppat naammassisinnaasat annerungaarsinnaagaluartut.

Ammiit Qaqortumut Great GreenInad-mut nassiteqqaarnagit sumiiffimmi nammineq aallartissinnaasuugunik imminut akilersinnaasumik ineriartortitsineq ingerlanneqarsinnaagaluarpoq. Puisit amiinik assartuussisarneq akikitsuinnaasimanaviangilaq, tamanna allangortillugu sumiiffimmi nammineq peqalernikkut ineriartorneq suniiffimmi pineqartumi annertusarneqarsinnaammat.

Taamaattumik siunnersuutigaara Tasiilami nammineq puisit amiinik garverinneqalernissaq. Taamaasillusi puisit amii assartorujussuunngikkaluarlugit nammineq ineriartortinneqarsinnaammat."

Siunnersuut qanoq aningaasaliiffigineqassava?

Siunnersuuteqartumit erseqqissarneqanngilaq.

Inatsisitigut tunngavissaq allakkallu tunngaviusumik uppersaattillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piomasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput
- Kommunalbestyrelsimi suleriaasissaatut aalajangersagaq §3:



Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpas, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffisassatut siunnersuutaagaangat atuutissaaq

Siusinnerusukkut aalajangiinerit

Kommunalbestyrelsi 12.03.24:

Immikkoortoq 31 siunnersuuteqartumit Kommunalbestyrelsip tullissani ataatsimiinnissaanut kinguartinneqarpoq.

Ilanngussat

Soqanngilaq.

Punkt 22: Lukket

Punkt 23: Lukket

Punkt 24: Lukket

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 11.05.